

S Y L V Æ

T H O M Æ C E V Æ

E S O C. I E S V.

*EXCELL.<sup>MO</sup> DOMINO*  
**D. DIDACO PHELIPPEZ**  
**DE GVZMAN,**

MARCHIONI DE LEGANES, &c.

Regi à cubiculo, perq; vniuersam  
Hispaniam Supremo rei tormen-  
tariæ Præfecto, &c.

**D E D I C A T Æ.**



M E D I O L A N I,

---

Ex Ædibus Ghisulphianis. 1704.  
S V P E R I O R V M P E R M I S S V.

**REIMPRIMATUR.**

*Frater Ioseph Maria Reina Ord. Præd., Sac. Theol.  
Mag., ac Commissarius S. Officij Mediolani, &c.*

*Bartholomæus Crassus Canonicus Ordinarius pro  
Eminentiss. Card. Archiep.*

*Angelus Maria Maddius pro Excellentiss. Senatu.*

145

# EXCELLENTISSIMÆ DOMINE.



Vtumno proximè elapso  
( EXCELLENTISSIMÆ DO-  
MINE ) cùm in maritimâ  
orâ Liguriæ trans por-  
tum Delphini in placi-  
dissimo recessu eius littoris ruri dege-  
rem ; cùm & maris prospectu colli-  
bus vtrinq̃ue inclusi , & aere in pri-  
mis salubri , & amicorum colloquijs ,  
& solitudine câ quam vellem , &  
quantùm vellem ( quæ erat à nobilissi-  
mis hospitibus data libertas ) ad votum

fruerer ; inter citrea nemora , pilcatulque , vespertinasque excursiunculas tranquillo mari , Syluulam hanc , post diu intermissa musarum studia , magnâ ex parte concinnaui . Subinde verò , in diuersa œstro abripiente maritimi instar venti , lucubrationculam mathematicam , eodem vsus tranquillissimo otio aggressus sum , cuius seriem Excellentiae Tuæ iam antea literis indicaui . Vtramque domi per hyemem vtcunque expolitam , ex iisdem nunc amœnissimis collibus , quos mihi præfentes fingo , quaecunque ruris munusculum , tibi gemino in libello sisto . Timidissima mihi Musa est , latebrarumque suarum amantissima . Vt tamen in conspectum tuum alacris veniret , non semel adhortatus sum . Perge , aiebam ; nec enim affabiliorem humanioremque Principem vnquam adieris . Quamprimùm supplicem viderit , primas voces , quas adeò tibi difficiles reddit agrestis verecūdia , ille

occupa-

occupabit. Nihil sollicitè meditan-  
dum, quò tibi aditum facias: exordia  
omnia, atque officiosa præludia beni-  
gno vultu abrumper. Te præsente le-  
get nonnulla, arridebit, laudabit, si-  
quid non bene tersum limatumque oc-  
currerit, secum tacitus excusabit. Hæc  
ego. Nec aliter quàm pollicitus sum  
eventurum spero. Tibi interea, Mœ-  
cenas humanissime, quando, pace vn-  
dequaque compositâ, solem & pulue-  
rem campi, otia tibi præ cæteris iu-  
cundissima, adprecari nequeo; saltem  
aliquod anni intervallum æquè libe-  
rum, & curis omnibus vacuum (da-  
veniam liberis votis) amicorum ge-  
nio, litteris, Palladi tuæ, & Musis  
vnicè sacrum, quo nihil in terris bea-  
tius, sincerè auguror. Vale.

Excell. T.

*Humillimus & Obsequentiss. Servus*

Thomas Ceua è Soc. Iesv.

POMPEIUS DE FRANCHIS  
 è Soc. Iesv.

PRÆPOSITVS PROVINC. IN PROVINCIA  
 MEDIOLANENSI.

**C**VM librum, cui titulus est SYL  
 VÆ à P. Thoma Ceua nostræ  
 Societatis, conscriptum, aliquot eius-  
 dem Societatis Theologi, quibus com-  
 missum fuit, recognouerint, & in lu-  
 cem edi posse probauerint, facultate  
 nobis à P. N. Tyrso Gonzalez præposi-  
 to Generali communicata, concedi-  
 mus, vt typis mandetur, si ita ijs, ad  
 quos pertinet, videbitur.

Genuæ 24. Iunij 1699.

POMPEIUS DE FRANCHIS.



## FONS DELUSUS

## IDYLLIUM.

PARIDI MARIÆ SALVAGO

*Patritio Genuensi.*

**F**ons vitreus de rupe suâ descenderat, vrnæ  
Maternæ impatiens. Neptuni scilicet arua,  
Nereïdumq; domos, & tecta algosa marinæ  
Doridos infelix visendi ardebat amore.

Ergo per & scopulos præceps, per & inuia saxa,  
Perq; silentum vmbas nemorum noctesq; diesq;  
Accelerans gressus læto cum murmure, tandem  
Auius ille diu quæsitâ ad littora venit.

Ah miser! vt longè vidit contermina Cælo  
Stagna immensa; & murmur aquæ, ventosque  
sonantes

Audiit; vt propiùs raucos timido pede fluctus  
Attigit, vt demum lymphæ dedit oscula amaræ;  
Infelix ore auerso salsam expuit vndam

Illico, perq; genas læcrymæ fluxere; nec vllâ  
Vi potuit pronos latices à gurgite serus  
Vertere. Quas non ille Deas terræque marisque,  
Nerinen, glaucamq; Thetim, & viridem Amphi-  
triten,

Atque Ephyren lurdas nymphas in vota vocauit!

O Galatea ! o nata mari pulcherrima Cypri,  
 Quam veræ lacrymæ tangunt ! o cæcula Doris !  
 O pater ! o pelagi rector , Neptune , tremendi :  
 Sed querulas voces venti per inane ferebant .  
 Heu quid agat , quò se vertat , quæ numina poscat ?  
 Quod restat morituro , anceps se torquet arenâ ,  
 Innectitque moras , & eundi obstacula querit ,  
 Horrisonam hæc illâc fugitans exterritus undam .  
 Quid volui demens ? quò me malus impulit error ,  
 Aiebat lacrymans . Nam quid , sæuissime prædo ,  
 Exiguus possim deserto in littore riuus ,  
 Inque tuis regnis ? simul hæc , simul ora profundi ,  
 Ora procellosi Nereï liquido sale puras  
 Inficiens lymphas argentea Nympha subibar .

Hanc , P A R I , necdum etiam nosti ? Tua  
 scilicet illa est

Pulcifera , immitis quam glareæ cogit in æquor  
 Contortæ vallis per iter laceram undique saxis .  
 Nec prius æreas saltem propioris Arenæ  
 Interlabi ædes potuit peregrina , nec illis  
 Delicijs moritura frui ; non ardua rura ,  
 Non hinc atq; illinc regalia cernere tecta .  
 His equidem visis , cursum licet , inclyta Nympha  
 Æquius interitum credo , & sua fata tulisset .





## AD ROSAM

HYEMENATAM.

## IDYLLIVM.

**A**H: quid agis, tenera in niuibus vir-  
guncula? Si te  
Ille puellarum raptor, qui circuit horros,  
Aut Aquilo, aut niveis inimicus floribus  
Eurus

Viderit, heu, laceram prædo vehet ille per auras.  
Frustra erit & fletu & precibus lenire furentes:  
Non illi parcunt nisi quercubus, aut cyparissis,  
Hirsutisque rubis nemorum, aut immanibus ornis;  
Omnia bella vorant, & acerbo funere perdunt.  
Ah misera, ut glacie, atque hyberno frigore pallos  
Candidior niuibus! Quæ te manus aspera iussit  
Intempestivam prorumpere? Carduus horrens  
Ipse timet brumam, metunt ipsæque decembrê  
Intronsæ pinus & robora: Quæ tibi, virgo,  
Aduersus diras glacies, aduersus & imbres,  
Lapsurasque nives fiducia? Sic ego; At illa  
Circum prospiciens latè omnia cana pruinis,  
Heu, se desertam flebat, fletuque decora  
Usque adedò visa, & pulchro sic palluit ore,  
Ut Boream, atque ipsos lacrymis inflexerit Euros.  
Sed non infelix noctes tolerare setenas  
Sub dio potuit, riguitque tenerrima, adustis  
Frigore præ nimio folijs lactentibus. Atqui  
Sic quoque Hamadryadum, & Cypriæ rapit oscula  
matris.

Ipsi flent circum, posito iam flamine, venti.  
 Quippe gelu ut rigidum sensit, se claudere frustra  
 Conata est viridi calatho, nec profuit omnes  
 Implorasse deas: manus illam frigida mortis  
 Florilegæ tetigit, quo tactu cuncta rigescunt  
 Mortifero compressa gelu, lucemque relinquunt.  
 Sit malè virginibus, quibus est ea cruda voluptas  
 In seram brumam tam dias cogere velle  
 Anni delicias. Sed tu modò latior hortis  
 Elysijs vernas, nec posthac frigora frua,  
 Nec Boream metues. Tu regnis addita Ditis,  
 Quò properat quidquid pulchrum est, obliuia  
 fugis

Consita Lethæâ in ripâ: Te diua capillis  
 Inferet ipsa suis Proserpina. Nunc Hyacinthi  
 Flent tecum, & niuei Narcissi, quos premit illic  
 Sors eadem, & Clymene, & nati de sanguine  
 Adonis

Purpurei flores, atque ipsa miserrima Laurus,  
 Nympha olim nemorum. Violaque, & pallida  
 Myrrhis.

Illi etiam miseri sua fata & vulnera plorant,  
 Inque suis folijs monstrant insignia mortis.  
 Terge tuos igitur, terge, ò pulcherrima, fletus.



ANTONIO MALLEABEQVIO,  
Viro eruditissimo.

*De statuâ celeberrimâ militis cogitabundi in Mausoleo veteri magnorum Ducum Hetruria, ubi nostris simulacrum elegantissimum.*

E P I S T O L A.

**N** Escio quid tetrum menti mihi iam diu  
inhæret,  
Meque agitat: nec terrorem, nec somnia  
ferre

Vlteriùs possùm. Cùm me tua nuper haberet  
Alma per autumnum Florentia, Mausoleum  
Regum Hetruscorum subij, verus illud, vbi nox  
Sculpta, vrnæq; Ducû: Iam nosti. Harû infidet vni  
Bellator meditabundus, cui nubila frontem  
Cura grauat, quâ læua manus regit. Id quoq; nosti.  
Hunc ergo armigerum læuâ dextrâque vbi totum  
Attonitis oculis obij, iam vespere lero,  
Cùm demum abscedens obtutus vsque tenerem  
Intentos, vidi galeâ nutare, moueri,  
Respirare auras, & quiddam dicere velle.  
Quid vellet porro haud subiit tunc poscere; nocte  
Quippe incumbente vrgebar; ratus insuper, vt sit,  
Delusos oculos viui specie simulacri.

At nunc ille ferox miles noctesque diesque,  
Effigie ante oculos præsens, mihi turbidus adstat.  
Atque arma, atq; ora, & magis alta silentia terrent.  
Quin etiam in somnis me pallida turbat imago.  
Hunc semel aggressus volui placare canoro  
Terribilem plectro; quo visus tollere sensim

Triste supercilium, atque atram dispellere nubem.  
 Hinc scitari ausus, num musas nosset. At ille,  
*Hæc ego in Italiam retuli*, inquit: Vixq; ea, rursû  
 Apposuit fronti lauam, nec plura locutus.  
 Hæc spectri series. Nunc abs te scire laboro  
 Quis Deus, aut Heros priscus se marmore in illo  
 Abdiderit; vestra siquidem fortasse superstes  
 Re super hæc aliquod monumentû extabit in vrbe.  
 Præterea Phidias ne, an Praxiteles opus istud  
 Extuderint (nec enim nostris ea gloria seclis)  
 An potius sculpsit tota insudauerit olim  
 Græcia, scire velim. Sed & illud nosse peropto  
 (Da veniam votis) sacrâ nunquamne locutus  
 De statuâ, nunquamne oculos, aut ora leuarit.  
 Nam fieri vix posse putem quin denique lassus  
 Interdum meditandi, altæ fastidia mentis  
 Aut voce, aut oculis, aut nutu expresserit vnquâ.  
 Postremò id supplex oro, placabile nobis  
 Redde istud tacitum numen, ne leuiat vsque,  
 Neve animo pauidisque oculis sese ingerat ultra.  
 Nâ quid ego possim? qua spe? quid peruigil adstat?  
 Non ego sum vates, qui musas, quas dedit olim  
 Italiæ, Italiâ possim retinere fugaces,  
 Si fortè hanc tacito nutrit sub pectore curam.  
 Quin tibi, sic merito, mentê hanc & munera mædet.  
 Tu potes intra alpes monitis plausuque fouere  
 Sopita ingenia, & stimulos adiungere tardis.  
 Hoc erat vt te carminibus longinquus adirem.  
 Tuque importunis (si quid potes) annue votis.

*Huius statua auctor Michaël Angelus Bonarota.  
 In eâ verò expressus Laurentius Medicus, Musarum, bonarumq; artium Pater. Vassarius in  
 vita Mich. Ang. Bon.*

De linguâ latinâ , & de veterum  
imitatione .

NICOLAO IANNETASIO

è Soc. Iesv .

E P I S T O L A .

**D**Vra mihi pedica est , onerosaq; sarcina,  
vt œstro  
Incaluere aures , & mens salit ebria  
vuiis

Excita imaginibus ; verba inter prisca togati  
Eloquij trahere vsque moras , & pendere voces  
Simbellâ , quænam sub Caio Cæsare , puro  
Ex auro , quæ mixta cupro sub Cæsare Galbâ ,  
Arbitrio nec posse meo decernere quicquam ,  
Assensum donec dederint Patres Conscripti ,  
Qui Latio præsunt . Hæc sancta , sed hispida iura  
Quantum addunt senij maiestatisque latinis  
Carminibus , tantundem adimunt genij atque  
iuuentæ .

Nam viux Charites , Veneres , risusque , iocique ,  
Et lacrymæ , & quidquid natura poëtria sæpe  
Ingerit vltro animis ; vt grato carmine vulgus  
Detineant hominum , natiua vocabula poscunt ,  
Et vegetam linguam ; geniusque , vbi mente  
refulsit ,

Ipse suas secum citharas , peregrinaque ferta ,  
Atque improuisos flores , sua munera , desert .

Quod

Quod si aliter canere ipse velis quam præcipit,  
ille

Impatiens reuolat Parnassi in culmina; reque  
Patrum inter consulta moras litesque ferentem  
Cum Varrone sene, & Vallâ, Orbilioque relinquit.  
At non Vergilius tot Graiùm verba modosque,  
Grammatici quanquam pro finibus arma mouerët,  
Romulcas cinnit primus traducere in aures;  
Nec lychnum Latîâ quondam Pater Ennius vrbe  
Donauit, veniam prius indulgente Senatu.  
Quisque, vt materies, vt res inuenta ferebat,  
Eloquij formam prudens cautusque nouabat.  
Hæc tantùm nos iura ligant, vt turpe nefasque  
Iam sit priscorum placitis discedere. Quo fit  
Vt sit certa styli ratio, quam quisque sequatur,  
Nec sperare quæc veterum transcendere quen-  
quam.

Quid possit vates, quem non audacia tollat  
Sublimem? cui non animosa superbia laurum  
Ostendat? qui rumpere iter per deuia primus  
Non speret? Te Roma olim si prisca tulisset,  
Non ad Virgilij numeros, reor, æmula Syren  
Instrueres nautas; nec tu, Rapine, Maronis  
Ad citharas pariter fidibus concordibus hortos,  
Et flores caneres. Non hic color esset verique  
Scribendique stylus; sed quem sua cuique dedisset  
Secreti vis ingenij; quam nempe Catullus,  
Quam Flaccus, quam Papinius, Marsusque secuti  
Tam vario inter se ore canunt, quàm quisque  
suum met

Exprimit ingenium. Quanto discrimine distant  
Carmen, ad exemplum quod fingitur, & quod  
ab ipsâ

Indole sponte suâ manat! Namque istud cundo  
Acquirat

Acquirat vires ; huic indefessa voluptas  
 Assidet , huic perniox , & iugis lectot inhæret ;  
 Nec , postquam legit tercentum carmina , versis  
 Explorat chartis an adhuc pars multa supersit :  
 Sed cupit ultra etiam , si posset , tendere metas ;  
 Vsq̃ue adeò res ipsa tenet , fallitque legentem ,  
 Quæ sic translucet puro de carmine , vt , instat  
 Perspiciui vitri , nil verba obtenta morentur  
 Intuitus animi . Qui possit talia vates ,  
 Cui mens infueto si quando exarserit cestro ,  
 Ni veterum quisquam stadio versatus eodem  
 Comiter arreptum sua per vestigia ducat ,  
 Ille nihil tentare queat ? Verum audio contra  
 Quid moneas , vocesque tuas & murmura ab  
 vsque

Surrento vehit aura loquax . Nam quis vetat ,  
 inquis ,

Ne genium ad veterum leges normamque sequaris ?  
 Pingere qui didicit quondam , Vrbinatè magistro ,  
 Romuleâ cognomentum sortitus ab vrbe  
 IULIUS ; vt formam pulchri semel hausit , an  
 ille

Italici sic exemplaribus hæsit Apellis ,  
 Vt non marte suo Phlegram , immanesq̃ gigantes ,  
 Fulmineumque in nube expresserit axe tonantem ?  
 Quæ simul ac videas exclames , *Julius hic est* .  
 Paulatim in mores studiosa imitatio transit ,  
 Si tamen ingenua est ; non illa pedissequa , ad omne  
 Demissa obsequium . Nam pulchri est ardua  
 quædam

Seu species , seu forma , suo quæ numine sese  
 Continet à rebus secreta . Hanc Grævus Homerus ,  
 Teius hanc vates , hanc Pindarus , & Maro , primi  
 Suspexere ; dehinc alij , quo quisque tuendi

Scrutan-

Scrutandique acie pollebat firmiùs. Atque hinc  
 Quæ quisque obrutu potuit subducere furtim  
 Transtulit in carmen. Nec cuiquam se Dea  
 prorsus

Indulsit; tantùm illa sui vestigia quædam  
 Dispersa hæc illac diverso in carmine liquit.  
 Iam quid agit prudens vates? Vestigia solers  
 Hæc eadem quærit; quibus ut semel hæsit, ut  
 omnes

Hæc illac sparsas Veneres collegit; in ipsam  
 Tollit & ipse Deam sublimis lumina, siquid  
 Non observatum pridem senioribus illis  
 Surripere inde queat: quod ubi subduxerit, olli  
 Et verba, & numeros Latium, quibus indiget,  
 omnes

Suppeditat; quin ipsa suas quoque Græcia voces  
 Commodat, ornatusque omnes, quos possit in vñs  
 Deriuare suos. Atque his munitus vtrunque  
 Præsidij, quid iam, quæso, morosior ultra  
 Poscat adhuc genius? Verùm tibi Græcia,  
 quanta est,

Ignota est, vereor, tellus; fortasse nec omnis  
 Explorata tibi Latij regio vñdique, nec tu  
 Flaminia fortasse viâ discefferis vñquam,  
 Puluereum per iter plaustra & carpenta secutus:  
 Nec, quantùm læuâ dextrâque supersit agrorum  
 Et nemorum, satis vsque vides. Hinc illa togati  
 Eloquij pedica, hinc tricæ, consultaque longa  
 Cum Varrone sene, & priscis auctoribus. Audis?

Audio, namque meas demens mihi buccino in  
 aures

Ipsæ met, inque tuas vñtro memè induo voces,  
 Quas plus exacuo quàm tu, humanissime, velles:  
 Neque adèò imprudens per ludum vulnere læsi,  
 Cui



Qui nunc in promptu iam non est posse mederi.  
Sed patere hoc etiam, rogo te: non multa  
superfunt

Carmina, quæ te distineant. Torquatus ad omnes  
Delicias Latij finxit flexitque poemam.

Nec non Eridani cyncus, qui carmen in vnum  
Miscuit heroas nymphis, & amoribus arma,  
Quamquam aliud sortitus iter: de fontibus ijsdem  
Multa hausit tamen: & Charites Veneresque  
pelasgas,

Quas ad nos ausus nemo deducere, primus  
Italicæ linguæ Cabrerius addidit. Ecquis  
Et nos in priscum sermonem inferre vicissim  
Nostra verat? cur non commercia mutua? cur non  
Hinc atque hinc opibus collatis vtrique lingua  
Ditescat? Sed enim crispabit Gallia nares,  
Quæ nunc è Pindo musas regit arbitra. Quid  
tum?

Illa suas quoque delicias, inuentaque varum,  
Quos habet insignes, Euandri in regna latini  
Deducat. Certis at finibus vndique septum  
Est, inquis, sacrum Latium, quos transgredi,  
& ultra

Tendere si liceat fidenter cuique, vetusta  
Barbaries sensim redeat, cultuque profano  
Omnia siluescant. Fateor; veruntamen hoc est  
Quod queror & doleo. Namque hinc fit, vt ipsa  
canendi

Materies argumentis nisi consonet ijsdem,  
Quæ veteres cecinere prius; mihi multa supellex  
Versibus ornandis, & fandi copia desit.  
Ipse novas etiam Lucretius addere voces,  
Illustraturus Graiorum inuenta coactus,  
Propter egestatem, Latio dum lingua vigeat.

Iam quid agam, si festivo, quo Bernia quondam,  
 Corripiar Phœbo? Quid si fila aurea tangens  
 Melpomene inspiret, Cælo delapsa, Petrarca  
 Divinos numeros, quos sola intelligit auris  
 Itala, nec quævis? Qui possim æquare canendo  
 Tum musæ ingenium, similique assurgere plectro?  
 Hinc pereunt inuenta fere omnia, quod nequeam  
 res

Convestire novas, nisi panno iam antea in usus  
 Longè alios secto, resuendo rursus, ut aptè  
 Congruat. Atque id post multos fac consequar  
 annos;

Quid tum? Continget demum laus illa decembri  
 Frigidior, quòd sim purè nitidèque locutus.  
 Hoc est tessellas varias sic arte locarim,  
 Ut commissuræ lateant, & lumina fallant.

Hæc ego. Tu verò hæc contra. Nam eadem  
 quoq; nostræ

Religio, & cuius cultæ custodia linguae,  
 Ut nulli temerè peregrinos addere comptus,  
 Atque modos liceat, nisi paulatim arbiter usus  
 Annuerit. Nec propterea qui carmina cudit  
 Italicis formis, usu longo ante receptis,  
 Laudatur, veluti seriem commiserit aptè  
 Centonum, aut veterum phrasium populauerit  
 arcam.

Nec refert quod non possis latio ore Petrarcam  
 Reddere: nec Thusco fas cuiquam reddere plectro  
 Virgilium; ad viuum quem nemo expresserit  
 vnquam.

Nimirum cunctis dedit hoc natura poetis,  
 Ut maius fortasse aliquid possint; sed idem met  
 Omnino alterius nequeant præstare sequendo.  
 Huc omnis lis ergo redit, quòd verba novare  
 Non

Non possit Latium. Verùm fac posse; quid inde?  
Euasurum ideone putes opulentiùs? Erras.

Nam viuæ & vegetæ linguæ quantum aduenit  
annis,

Tantundem pariter paulatim deperit. Atque hinc  
Quæ placuere olim, ceu iam desuetus amictus,  
Nunc neglecta iacent. Contra Latius tenor idem,  
Fonte impermixto, purissimus vsque perennat:  
Quæque olim fuerat, manet, æternùmque manebit  
Gratia, maiestas, candor, vis, atque iuuenta.

Hæc tu. Sed pleno iam margine epistola litẽm  
Protrahere vltteriùs prohibet. Quod si vsque  
liceret,

Nec calamo obstaret iam ferme exhausta papyrus;

Poscere adhuc veilem quĩ possim carmina sacra

Fingere; cùm latæ linguæ pars magna Deorum

Nominibus vanis, cultuque infecta profano,

In nostros nequeat, nisi vi, descendere ritus.

Deinde noua in lucem quotquot molimina cudunt

Irrequietæ artes, hæc longo ambire necesse est

Circuitu, vt Caius Rabirius, atque Cethegus

Exaudire queant seclis incognita prisceis

Belli instrumenta, atque inuenta recentia mille.

Adde quod æonijs numeris pars plurima vocum

Adstringi nequeat, ceu cùm breuis vna duabus

Hinc atque hinc captiua vrgetur syllaba longis,

Quale tibi est nomen, cui Syren substituenda est,

Ne peccet carmen. Quid verò cætera sempiterno

damnata exilio, atque exclusa Helicone

Nomina commemorem, nunquam, nisi corpore

secto,

Ventura in carmen? Sed & illud non leue, quod  
sint

Multa etiam in Latio desueta & rancida Plauti,

Lucilij

Lucilij atque Innij. Postremò scribere doctis  
 Cogimur & pueris tantùm. Sic iudice vulgo  
 Nostra carent, cuius plausum strepitumque poëtæ  
 In primis spectare solent; rectissima quando  
 Plerumque est populi concors sententia, quem non  
 Abripit invidiæ livor; pulchrumque venustumque  
 Agnoscit duce naturâ; quanquam haud sciat artē,  
 Nec sibi cur placeant norit. Solimæida Tassi,  
 Quanquam multa olim linguæ non vsque probatz,  
 Nec satis excretæ culparet Hetruria, lauro  
 Donavit vulgus. Vulgus quoque tempora lauro  
 Virgilij cinxit, cùm docti ad sidera ferrent  
 Innium: Et egregium, Ferrara quæ dedit olim,  
 Italiæ vatem, frustra illum, vt traditur, aula  
 Neglexit: vulgus contra sterit, & meritâ aurâ  
 Sustulit Eridani cycnum. Sed carmine cogor  
 Innuere hæc cursim; siquidem vix charta calendas  
 Accipit, vt prope vix possum subscribere nomen.



## I N V E N T O S.

VIRO CLARISSIMO

ANTONIO MALLEABEQVIO.

**S**VB dio expositus pictâ mihi flauus in vrnâ  
Lapsu improviso præceps amaranthus ab  
alto,

Aëris emensus viginti circiter vlnas,  
Decidit. Hunc noctu speculæ de margine, venti,  
Vos exturbastis: Nam vobis pessimus hic mos,  
Aggressis frustra veterem conuellere quercum,  
Postquam illa & strepitus & flamina inania risit,  
Vim vestram in teneros & inermes vertere flores.  
Testis ego: Illa omnis nemorosa Ligustidis ora  
Margaridos, vobis populata exutaque cedris;  
Præque alijs mea quondam hospes Vencrosia,  
villa,

Quæ mihi restituit lauros, desuetaque plectra.  
Quæ vos Riphæis de montibus huc agit ira,  
Terriuagi errone? quibus & mare, & vndique  
tellus

Succutitur; quos Flora timet, quæ nunc anemonas,  
Nunc violas sparsas, & humi versos calathiiicos  
Repperit, & Nymphis sæua infortunia narrat.  
Sic vos nutu adigat pater Æolus æquore falso  
Noctes atque dies inuitam vrgere biremem  
Jætam alicâ & scombris vsque ad Malabarica  
regna.

Inde, vbi anhelantes in vestra redibitis antra,  
Ille iterum iubeat pendentia lintea fune,

Tunc

Tunc lota, & nigrum guttantia, nube latentem  
 Siccare ad solem. Quondam vnus de grege vestro,  
 Anxure dum somnos carpebam nocte, fenestris  
 Extemplo patefactis irruit, astraque coram,  
 Et rutilam Lunam sudo referauit Olympo.  
 Quo strepitu excitus, nigrum cacodæmona ab orco  
 Immissum extimui. Rursum alter de grege eodē,  
 Verbantes dum trano lacus, è valle repente  
 (Namque ibi in insidijs prædo sub rupe latebat)  
 Adfuit improuisus agens pluuiæ axe procellam;  
 Mersissetque ratem, nisi me florentibus vlnis  
 Insula, quæ medio surgit pulcherrima stagno,  
 Borromæorum statio, discrimine in illo  
 Obuia sub noctem portu seruasset amico.  
 Illinc ad Rurimum versus (hoc namque latroni  
 Nomen erat) Per me, dixi, nunc vtilibet effla,  
 Et mugi, atque istud solido de marmore testum  
 Excute quantumuis, &, si potes, aufer in auras.  
 Hæc tutò in tenebris, cœnatus splendidè, & alto  
 Compositus strato iactabam. Murmure Rurimus  
 Interea in multam noctem latrabat inani.

Si sapis, Antoni; telas, aut vitra fenestris  
 Adde tuis, oro; ne, si semel agmine factò  
 Prædones isti irruerint, susdeque tuorum  
 Congeriem immensam vertant rapiantq; librorū.  
 Rides: Nam, quamuis dispersa volumina cuncta  
 Surriperet Boreas, memori tamen omnia mente  
 In tuto deposta tenes, nilque hæc mea curas  
 Carmina, quæ frustra in volucres effudimus auras,



## ENSIS FERRUGINEUS

Armariæ officinæ signum.

## P R O S O P O P O E I A.

**Q**VI ferrum exacui limâ , argillâque  
poliri,  
Vinciriq; auro capulum , aut de more  
coruscant

Lanuviam lateri sociam cupis , huc ades. Index  
Longævus sum , qui loquor , aëre pendulus ensis ,  
Iam multo senio îqualens & inutilis , hæc  
Ante fores. Bello emeritus , post prælia multa  
(Nam præsens vidi memorandam ad stagna  
Rauennæ

Gastonis iuuenis cladem , & miserabile fatum :  
Vidi & Lotrechium furijs immanibus actum ,  
Cum pugnam Helvetij non æquo tempore vellent :  
Iamque prius Guelphas , Ghibellinasque securus ,  
Nunc has , nunc illas partes , miseranda per agros  
Funera , perque domos , & Tusca per oppida  
passim

Edideram strages ) post tot fera prælia tandem ,  
Bello , ut dicebam , emeritus , longo obrutus ævo ,  
Iam nunc inualidusque senexq; hos seruo in usus ,  
Signum ex hoc tigno suspensum : hoc munere  
fungor.

Hinc auro illusos currus , sellasque volantes  
Ite redire diu , famulorumque agmina cerno.  
Heu quos in trivio iuvenes , quas pulvere odoro  
Cæsaries sparsas video ! Quantum , Italia telus ,  
Italia

Italix veteri distas! Quò bellicus ille  
 Cessit amor ferri, & primæ gloriæ gentis?  
 Illa arma, illi enses fuerant, quos Martia can-  
 Temporis illius pubes inuicta gerebat.  
 His Albericus princeps, & magnus alumnus  
 Sfortia, & Vrbinas ille inclytus; hisque Colum-  
 Mastinusque ferox, alijque, his ensibus, inque  
 Confisi, longis protecti corpora scutis,  
 Solibus, & brumâ durati in bella ruebant.  
 Tunc fortes validosque viros, firmisque lacer-  
 Haud timidos nocturnæ auræ, corque pruina  
 Roboribus natos ætas generosa ferebat.  
 Nondum Italis cocolatem aduexerat India, non  
 Musica nocturnis scenis vitiauerat aures,  
 Nec capiti glabro summisserat Anglia crines.  
 At iuvenes in equis tonso de more capillo  
 Membra exercebant venatu, aut ludicra Equestri  
 Congressi campo Martis simulacra ciebant,  
 Ferratâ dextrâ strictis ingentibus hastis.  
 Nunc verò ensiculis auro argentoque coruscis  
 Res agitur: meque illo Orlandi tempore natum  
 Fusbertæ æquæum gens istæc pumila ridet.  
 Quos ego.... Fac ausint mecum descendere in  
 arctum  
 Certamen: ferrugineus fractusque senectâ  
 Vt sum, dispeream, si non tironibus istis  
 (Mecastor) fuluam lamellam in fragmina centum  
 Dissiciam, intortum capulo quamuis gerat aurum  
 Inque apice extremo fulgens scintillet iâspis.  
 Talia iactabat; nam portæ in limine durus  
 Cantaber emprurus frameam, veteremque  
 bipennem  
 Constitit, qui dicta oculis, nutuque probaba-



## De Muribus &amp; Fele.

## A P O L O G V S.

**C**oncilium mures quondam fama est inijsse  
Semirutu tecti sub fornice. Nocte silenti  
E patrijs loculis venere, arcisque repostis  
Quotquot rosa colunt armaria, quot-  
que salignis

In pluteis habitant, aurigarumque latebris;  
Qui mactris, ollisque latent, taurinaque lora,  
Atq; adipem, atq; vinctas ocreas, & glutina,  
mordent;

Et quibus est noctu bellum cum gliribus, & quos  
ieiunos saturant, infelix esca, libelli,  
Laureæ, Ephemerides, trita vsu Onomastica,  
amantum

Commentarioli, miserandaque carmina vatium.

Consedere omnes suffragia collaturi

Re super ingenti. Senior quos inter Erauxtes,

Concilij præses, qui multâ nocte Platonem,

Marsilijque vetus præroserat ante volumen,

In medio coetu sic fatus. Serio agendum

Inter nos, Patres, & sedulo decernendum

In genus inuisum feles. Sunt cuique latronum

Nota odia, & nostræ passim discrimina gentis.

Nusquam tuta domi penetralia, rimula nulla,

Aëriusque imbrex, paries, testudo, lacunar,

Quò non sese vngue insinuet teterrimus hostis:

Peruia quippe illi sunt ostia quæque, relicto

Orbe cauo, quâ se furtim nequissimus infert,

Percursatque omnes noctuque diuque penates.

H

Quid

Quid memorem bella & caedes , & caedibus ipsis  
 Intoleranda magis ludibria? Nos , ubi captos  
 Perfidas vngue tenet , misero lentosq; fatigat  
 Supplicio , versat , resupinat , iactat in auras ,  
 Indulgetq; fugam , ru tumque fugacibus instat.  
 Denique semineces spirantesque ore prehenso  
 Furcifer ostentat passim , victorq; triumphat.  
 Nec fas vlcisci bello tot funera : inermes  
 Exiguiq; sumus. Nequicquam atrocia quæque  
 Prædoni experimus : Nequicquam fuisse percipit  
 Optamus miseri : vana est sine viribus ira.  
 Fraudibus ergo locus tantummodò , fraude  
 scelestus ,

Atque assu procul arcendus . Vos dicite , Patres ,  
 Vos , lecti procures , & lumina prima senatûs ,  
 Quæ spes afflictis rebus , bellicque cruenti  
 Estugium , quæ cuique animo sententia surgit .  
 Nam dolus hic aliquis nisi vires suppleat , aut  
 hinc

In sylvas camposq; vagi ni pergimus , actum est .

Sic ait . Illi autem confuso murmure secum  
 Multa agitant , multa obijciunt , obiectaq; solunt .  
 Exploratores primò disponere visum ,  
 Quales consuevit in castris , ordine certo  
 Qui vigilas aditus seruent noctesque diesque .  
 Sed rimosa nimis domus est , & læpius hostis  
 Improvisus adest non observabilis ulli .  
 Culmina summa perit , saltu emicat ardens , ipsis  
 Passeribus tecto volitantibus inijcit vngues ;  
 Nec vis vlla potis tot passim eludere fraudes .  
 Quare incunda via est melior ; meliorq; ea visa  
 Agrestes longè præstanti corpore mures ,  
 Qui campos , qui stagna habitant , nemorumque  
 recessus ,

E patrijs laribus socios in bella vocare.  
 Delicijs non illi vrbis, luxuque domorum,  
 Atque epulis fracti; sed fortia pectora bello,  
 Audaces animi, solidaq; ad vulnera pelles.  
 At neque plerisque id placitum. Stipendia terrent,  
 Civilisque metus belli, ne pinguibus escis  
 Illecebrisq; domûs capti, gens aspera ad agros  
 Eijciat veteres urbana è sede colonos.

Hæc potior demum cunctis sententia sedit,  
 Quam iulit, vt fama est, Turpillus ridiculus mus.  
 Olli contigerat sedes mundissima tecti;  
 Tresq; ibi iam menses exceptus diuite luxu,  
 Hollandas inter telas sceleratus agebat.  
 Namque armariolo se subdolis insinuarat,  
 Ordine vbi inappæ digestæ, & cætera lina,  
 Quæ cedro exanimi, violis, & amaraco odoro  
 Compta asservantur textis redolentia cistis.  
 Horum Turpillus custos, hisque addere lauri,  
 Quæ decrant, baccas; & olenti spargere lymphâ  
 Purpureas vittas, ricinia, picta flabella,  
 Delicias nuptæ spurcissimus ille solebat.  
 Plorabat misera, & lacrymis conuitia dira  
 Miscebat; quoties puro certantia lacti  
 Fœda intus maculis bombycina perspiciebat.  
 Et malè sit muri, aiebat, qui proluit omnia,  
 Facibus atque suis mi spurcat lintea, & omnes  
 Commaculat limbos, byssoq; indormit & ostro.  
 At te ego si possim semel hic comprehendere,  
 nequam,

Tete ego qui deceant mores, scelerate, docebo.  
 Nequicquam interea susdeque invertere cuncta,  
 Deprensura intus prædonem. Fugerat ille  
 Iam priûs in tutum. Nam præuia Lisa catella,  
 Quæ gressus semper comitari assuerat heriles,

Ex oricalcho agitans collaria rinnula longè ,  
 Aëdibus hinc atque hinc audacula discurrerat  
 Quo sonitu admonitus dominæ aduentantis , in  
 imas

Ille recedebat latebras. Sic luserat omnes  
 Femineas iras , sic dudum impune latebat.

Historiam hanc coram narrabat fusiùs ille ;  
 Et risere dolum iuvenes , nec se temere  
 Longæui patres. Ille autem tempora nactus  
 ( Consilijs nam sæpe iocus dat providus ansam )  
 Cur & nos , inquit , quando hæc tenet anxia cura ,  
 Non eadem streperis vocalia cingula bullis  
 Inijcimus feli? Nunquam improvisus adesset ,  
 Tinnituq; procul se proderet improbus hostis.  
 Sic ait ; & Patres tantisper rem meditati ,  
 Ut faciunt qui vina probant , eaque optima  
 norunt ,

Inclinare aures vtrique ad pectora , sese  
 Intentis oculis circumspectare vicissim  
 Nutibus ; vnanimes omnes hoc denique velle :  
 Hoc Poliphon , hoc Licophynax , seniorque  
 Lichenor ,

Artophagusq; , omnes illorum è sanguineanorum ,  
 Qui bello quondam ranas fudere palustri ,  
 Quos citharis olim Graijs celebravit Homerus.  
 Hoc igitur fixum sedet omnibus , omnibus vna  
 Atque eadem penitus concors sententia votis.

Quæritur ergo , oneri qui sese accingere tanto  
 Pro laribus sacris , patrijsque penatibus ausis.  
 Verùm hic longè aliâ rem quisq; expendere lance ,  
 Nemo prior tentare vadum , se quisque fateri  
 Immeritum , tanti cui cedat gloria facti ,  
 Atq; has atq; illas ( ut fit ) prætereunda causas.  
 Huic inuenta domi sibi iam penetralia tuta ,  
 Quod

Quò neque se insinuet cæli spirabilis aura:  
Huic pes exustus dum lampadis ambit olium,  
Stigmate quo claudus vix ægrè incedere possit:  
Huic nidus natorum ingens in luce relictus,  
Quem, nisi præpropere abscondat, sibi degulet  
hostis.

Talibus, incerti quid agant, consulta trahebant  
In noctem. Strepitum interea de culmine tecti  
Senserat excubitor felis, tacitèq; reposti  
Fornicis obscuras latebras de more subibat.  
Lætitia gestire avidus latro, ac pederentim,  
Conscius audacis facti tentare lacunar.  
Verùm, vbi nequicquam sese intromittere rimis  
Luctatus pede & ungue diu miser institit; iram  
Non tenuit, gemitumq; dedit: quo fulguris ictu  
Percussi, hæc illac per gypsea rudera cuncti  
Haud mora dilapsi subiere foramina nota  
Illico: Sic coetus congressusque ille solutus.



## CARMEN ANTIQVVM

A Pythœo Iurisconsulto in auitâ bibliothecâ repertum, & Iusto Lipsio dono missum, cui titulus  
PERVIGILIVM VENERIS.

CAROLO MARIÆ MADDIO,  
VIRO CLARISSIMO,  
Philosopho, Oratori, & Poetæ  
celeberrimo.

**D**VM legeret noctu conferta volumina  
iuris  
iuris Cæsarei interpret clarissimus olim  
Pythœus; plutei è forulis emissæ  
repentè,

Virginis ægræ instar, tenuissima venit ad aures  
Vocula. Pythœe, ah! miseræ succurre puellæ,  
Tempore quæ longo iacet his inclusa latebris.  
Itala sum, furto sublata Elegiola, patre  
Orba meo; Rapuere Hunni, gens inuida quondam  
Italix. Ah! tristi peregrinam carcere solue;  
Hisque (rogo supplex) immanibus eripe libris.  
Sic illa. Attonitus præses, face præuiâ, & aure  
Intentâ, gressumque ferens, vnde ille dolentis  
Exibat gemitus, summotis denique magnis  
Codicibus, consulta inter responsaque iuris  
Inuenit flentem. Quis te prædo impius, inquit,  
Abdidit

Abdidit his tenebris, misera heu virguncula? Vosque  
Infantis casum tacuistis, turba forensis  
Librorum, Pindo implacabilis? Hæccine verò  
Sacrarum vobis custodia tradita legum?

Talibus indignans, squalentem pulvere multo  
Excussit, digitisque atram summonit Arachnem,  
Et cariem, & residues blattas. Sic denique teriam,  
IUSTE, tibi donum, LIPSI, transmisit ha-  
bendam.

Inque ægræ assidens, quam triste momorderat  
animum,

Diceris haud multis læsam instaurasse diebus;  
Quæ nunc compta tuis in libris fertur in auras,  
Et patrio tandem spariatur libera cælo.

Infelix tamen usque, Deæ quæ sacra Erycinæ  
Festa canit, fronde & Cyprijs circumdata vittis,  
Carcere digna illo, quo pridem obscura latebat.

Hæccine per medium vulgus pudibunda puella  
Ausâ docere palam! vigilem traducere noctem,

Quæ Veneris lucem præit! & præcingere myrto  
Tempora! quæque altè feriant monstrare sagittas!

Ista, amens, medias passim vulgare per vrbes!  
Nec sacras leges, nec iura horrenda vereri!

At tu, Pieridum decus, atque amor, inclyte MADDI,  
(Namque tibi eloquio sanctos inducere mores

E Cœlo superi dederunt) hanc moribus, oro,  
Sume refingendam, ne Cypridis ampliùs illa

Nomina depromat, neu talia proferat vnquam.  
Spero! equidem haud longo studio emendare,

licebit,

Inque sacros, quæcunque canit, traducere cultus.  
Nam simplex virgo est, veteres edocta deorum  
Ritus, quosque olim didicit, canit inscia amores.

Hæc ego viventi nuper tibi carmina, vares,

Heu sera, heu non ad te peruentura pararam.  
 Scilicet, ipsa hæc dum canerem, iam spicula  
 & arcum,

Iussaque diuus Amor dederat tristissima morti;  
 Secretòque eadem fidæ commiserat auri,  
 Ne quis resciret, ne supplex fortè querelis  
 Orando posset lacrymis auertere fata.  
 Quid moror, atque iterum crudelia vulnera  
 tracto?

Illa caput rediuncta rosis (namq; inclyta circum  
 Coelestium manus horrentes velauerat ostro  
 Sidonio rictus, atque ipsam flore sagittam  
 Et lauro intortâ, vittisq; absconderat aureis)  
 Illa, inquam, volucris placidoque simillima somno,  
 Quàm potuit tacitis subiit conclauia pennis.  
 Illic mœsta fides, vultum demissaque honestas,  
 Et multùm illacrymans pietas, atq; abdita nigro  
 Musa dolens velo, morituri ante ora parentis  
 Stabat acerba gemens, fatis intenta supremis.  
 Iamque sagittiferâ iaculum lethale pharetrâ  
 Eductum curuo Libitina intenderat arcu,  
 Et feriebat. At, heu! luctu confusa precantum,  
 Et patriæ ante omnes lacrymis surda astra cientis,  
 Atq; sinum, & dextram contra tendentis inermem,  
 Illa, ferox quamuis, non exorandaque votis,  
 Substitit, & versâ ceruice rogabat Amorem,  
 Qui præsens aderat, num dura facessere iussa,  
 Num vellet tento dimitti spicula nervo.  
 Annuit ille oculis, simul irrevocabile telum  
 Excussum venit. Charites abiire repentè  
 Ingeniisque ioci lacrymis manantibus ora  
 Perfusi, per tecta vagi singultibus ægris.  
 Ipsa atro obduxit scenam Comœdia velo  
 Non retegendam ultra; nam risus, gaudia, &  
 omnes, Haud



Haud redituri vnquam , genij excessere per auras:  
Et nunc muta sedes posito tristissima plectro ,  
Orba tuo infelix desertaq; vate Poësis .  
Nec potes irasci fatis , nec ferre querelas  
Ad superos ; quid enim contra , pulcherrima ,  
possis ?

Nam tibi de Cœlo venit irreparabile fulmen .  
Ipse tuus Cœlestis amor te vulnere læsit ;  
Ipsa tua ( hoc etiam deerat ) stant carmina contra ;  
Et rebus prohibent fluxis impendere fletus ,  
Teque iubent miseram tua iungerè gaudia Cœlo :



Naufragium Classis CAROLI V. in  
Africa, dum IVLIAM CÆSA-  
REAM præsens obsideret.

ANDREÆ AB AVRIA  
Fides & Constantia.

**I**AM formidatum nautis præviderat axe  
Obscuros solitum nimbos portendere sidus  
Auria, Cæsareasq; acies malè præsciis Afris  
Nequicquam insisterat quamprimùm abdu-  
cere terris.

Ergo, vbi iam propiùs venientis signa procellæ,  
Nimbiferique procul prælehant murmura venti;  
Iamq; atras cogi nubes, iamq; aère vidit  
Collucere ignes, & crebra tonitrua longè  
Audiit; alte animo reputans Neptunius Her  
Cæsaris exitium malehda in litoris orâ,  
Quæq; acies fessas clades miserranda maneret,  
Stans tumido in pelago de puppi interritus altâ  
Ingenuit, rupitque senex has pectore voces.  
Hæc ego prædixi: iuuenis sed præscia Cæsar  
Nil monita extimuit. Iam nunc nostra omina  
sentit,

Atque olim hic turbo venturos instruct annos.  
State, viri: antennis substringite vela: marinos,  
Quâ veniunt, prorâ obuersâ pertrumpite fluctus:  
Ne trepidate; adsum falsi vetus incola regni:  
Longè aios fluctus, tempestatesque subegi.  
Alta tene, rector clauî: saxa æquore recta,  
Abstrusasq; aras, infidaque litora nosco:

Hæc

Hæc iter, hæc cursus: me cætera vela sequantur,  
 Talia iussa dabat. Verùm alto obscurior vsque  
 Nox incumbibat ponto, Libycique Notique  
 Turmatim exierant ouassis immanibus alis  
 Effusi e patrijs antris. Iamq; atra profundo  
 Nunc has nunc illas hauribant æquora puppes.  
 Nequicquam miseræ tonitru æris poscere in alto  
 Sublidium fluctu, nequicquam tendere dextras  
 Exanimæ nautæ, vocesque attollere cælo.  
 Quis pelagi horrendam faciem, quis murmura  
 narret,

Nimbosamq; hyemem, flagrantemque æthere  
 nubes?

Nam Cælum ad Boream, veluti vulcania fornax,  
 Horrificis interuallis ardebat, opacâ  
 Nocte interlucens; diroq; in lumine circum  
 Splendebant latè spumanti in littore fluctus  
 Allisi scopulis, iacto vsque ad sidera rore.  
 Hæc illâc pelago sparssæ fluitare triremes,  
 Albida quas saltu fracta vndique transilit vnda.  
 Ast aliz in patulas ( visu miserabile! ) syrtes  
 Ferri præcipites, prorasque aliidere sponte  
 Euasuræ iras pelagi. Circùm omnia sæui  
 Littora complebant Nubidæ, phææratæq; terba  
 Maurorum egressa ad prædâ, iactisq; sagittis  
 Arcebant profugos terris. Ergo Atirîa latè  
 Prospiciens oculis classem, spectans Cæsaris, omnem  
 Ponto absorberi, & circum maria vndique sparsa  
 Antennis fractis, stantesq; in littore gentes  
 Cæsarcas, reditum quibus æquor, nauibus haustis,  
 Iam ferme abstulerat; furijs cælique marisque  
 Iam victus, magnos fertur nudasse lacertos,  
 Ferratumque manu contum strinxisse minaci,  
 Omnia Neptuno similis vocemque, capillosque,

Hirsutosque sinus. Sic altâ immobilis Heros  
 Constitit in puppi, atq; oculos vultusq; tremendos  
 Obuertit pelago sœuisque Aquilonibus: &, Me,  
 Credo, inquit, nostis. Nobis hæc credita classis,  
 Quæ Libycis nunc fertur aquis. Nec quater  
 vestras,

Quas regit æquor opes, huc venimus, aut pe-  
 regrinas

Auchere hinc ratibus merces; sed plectere bello  
 Prædones terræ pelagique. Audistis? an ultra  
 Audire est aliquid, quod fortè... Haud plura  
 locutus,

Lumina defixit ponto. Mirabile dictu!  
 Neptuni voces, atque ora sumillima venti  
 Exstinuere; iras timidi posuere; sonantes  
 Collegere alas; nec se ansos talia sponte,  
 Sed Stygis imperio ac iussu, Eumenidumque  
 flagellis

Actos aiebant; tacitique per æquora sensim  
 Post alios alij, trepidi in sua regna redibant.



Liber vniuersam Mathesim continens  
cur sub homine PALLADIS  
in lucem venerit .

**A** Victor cū nollēt permittēre nomina,  
libro,  
Quæ precibus supplex nequicquam  
sæpe rogarat;

Ipse ferens ægrè duri mandata parentis,  
Nolenti similis lentè prodibat in auras.  
At sacra Vranie, cuius cælestia secum  
In lucem veniens stellarum arcana ferebat,  
Mota pijs lacrymis (quando hæc spes vltima  
restat)

Illum moerentem diuinæ in tecta Mineræ  
Transtulit, auditis siquam Dea fortè querelis  
Feret opem. Stetit ergo, animis nil territus, inter  
Ingenuas artes centum, centum ordine longo  
Altantes solio Cælestes vndique Diuas,  
Palladiâ tandem causam oraturus in aulâ.  
Mirantur decus insuetum, vultusque loquentis,  
Præsentem vt ferat ille Deam, lucinque stu-  
pernam

Nil trepidet. Stupet ante alias Tritonia Pallas  
Indolis excelsæ partum, non illa parentis  
Ignara, vnde animum soboles inuicta trahebat.  
Dissimulare tamen, geniumque lacessere dictis,  
Atq; altos tentare animos iuvat. Ergo, vbi  
finem

Imposuit precibus, suæque infortunia coetu  
In medio retulit; paucis Dea virgo locuta est.  
Haud

Haud equidem inuitum soleo compellere quen-  
quam;

Vtque etiam id vellem, nequeo, dum nomina celas,  
Auctoremque siles. Non te tamen irrita vóta  
Effudisse velim, nec frustra adiisse Mineruam.  
Sed prius, ad superos quæ te fiducia tollat,  
Quidue feras populis, quæ seclis digna reueles  
Munerâ, scire lubet. Sic deinde effata, volumen  
Conscia diuinis manibus, gremioque receptum  
Explicuit coram. Cœli se machina primum  
Obtulit: Ipsa suos agnoscit protinus orbes  
Vranie, & digito prior occupat, astraq; signat,  
Stellarumque vias. Tum circumsusa Dearum  
Turba super certatim oculis sibi quæque laborat  
Explorâre opere in tanto quid sublegat, & quam  
Partem habeat. Titulos furtim (dum singula Pallas  
Evoluit manibus) confuso murmure lustrant.  
Hinc voces variæ: Nostrâs hæc pagina terras:  
Hæc numeros habet: Hæc fluuios, æstusque  
marinos:

Hic numeri rursus diuini inuenta Neperi:  
Hic elementa nouo texta ordine, vincâq; nexu:  
En spatij omnigeni inensuram: En concava vitra:  
En specula: En Arabum labyrinthos cœlica signa.  
His superûm dictis late omnis perstrepat aula.

Præcipuè Dea, quæ belli quoque præsidet armis,  
Numen vtrumq; implens Bellonæ & Palladis, arces  
Innumeras, centumque modos, molimina centum,  
Quotquot prisca dedit, quotquot noua protulit  
ætas

Hostibus arcendis, oculis intenta volurat.

Vtque hæc atque illâc libauit plurima cursim  
Versauitq; manu, sic rursus Diua locuta est.

At tu equidem his coram superis (nam pectore  
clausa,

Et

Et procul à terris seruabimus omnia ) tandem  
Securus posses genitoris nomina fari:

Aut , si fortè tibi promissa silentia , saltem  
Auribus haud renues , credo , committere nostris.  
Sic ait. Ast animo intrepidus negat ille fateri ,  
Secreti fidus custos , penitusque repugnat.

Idq; vnum supplex , inquit , tua numina posco  
( Quando aliter nequeo patrijs obsistere iussis )  
Vt saltem in populos veniens & luminis auram ,  
Ne longus labor annorum sim creditus , in quent  
Noctes atque dies , tranquilla per otia , totum  
Impendisse ætun videatur belliger auctor ,  
Longè alijs curis , & rerum pondere pressus.

Tum Dea voce graui fingens , quam non habet,  
iram ,

Maiestate minax , vultuq; erecta decoro ,  
Hos , ait , hos animos supplex geris ? Insuper  
audes

Implorare etiam mea numina , opemq; precari ?  
Mene adedò ignaram rerumq; hominumq; putasti ?  
Scilicet ignotus terris , & nocte sepultus

Ille tuus , credo , latet heros ; famaue nondum  
Auditum cœlo nomen super æthera vexit ,  
Quærendum , reor , in populo , vulgique tenebris .

Quid si hæc clausa sinu tua sancta arcana reuelem ,  
Diuinemque tibi ? Tu nostro assuetus Olympo ,  
Stellarum , & Phœbi speculator , siccine diuûm

Inscius , vt credas posse ignorare Mineruam  
Te Ducis inuicti sobolem , te Principe natum ?  
Quem puerum , præco heroum de sanguine auorum

Occidux Hesperix , teneris iam ducere ab annis  
Ipsamet edocui turmas in prælia equestres ,  
Cum genitor Prorex Afros compesceret armis ?

Quem , tribus encensis vix læstris , iam dare iura

Urbi-

Vrbibus ac regnis , patrijs succedere curis ,  
 Et populos regere , extincto genitore , coegi ?  
 Hunc non fixum animis , non alto in pectore  
 seruem ?

Sic tu Deliaci quandoque altaria Phœbi  
 Duplo augere cubo , sic recta & curua vicissim  
 Conciliare , diu tentata ænigmata , noſtes ,  
 Vt mihi nota oris species , vt cognita virtus .  
 Huic Dea ſcribenti , inter mille volumina , linguis  
 Europæ varijs , interpres noctibus adsum :  
 Huius ſæpe comas lauris Helicone reuinxī :  
 Hunc in bella ſequor , dum te tua ſcrinia longè  
 Interea ſeruant ; nec ſæua pericula cernis ,  
 Quæ nimium fidens ſubit ille . Moguntia , Nicer ,  
 Et Bonna , & Sicoris , nuperq; Druentia teſtis ,  
 Et Rex Eridanus fluuiorum , atque alta Pyrene ,  
 Nubiſeræque alpes . Media inter fulmina Martis ,  
 Et ſumum , atque ignes , & dira tonitrua mixtum  
 Iam morti eripui toties , clypeoque recepi  
 Ipſa meo , hoc , inquam , clypeo , venientia tela .  
 Tuque nouam & terris peregrinam Pallada cenſes ?  
 Et poteſt hæc ſuperis , medioque abſcondere celo ?  
 Quid ſi iam tandem ( quæ noſtra potentia ) quid ſi  
 Hic coram ante oculos præſentem in lumine claro  
 Oſtendam ? Magicas me denique cogis ad artes ,  
 Viſque aded auſterum Geométream euincere  
 durum eſt ,

Aſſenſus nunquam ſolitum niſi ferre coactos .  
 Hos igitur pictos auſa circumſpice vultus ,  
 Et vario ſimulacra virſim conflata metallo .  
 Effigies , quaſcunque vides longo ordine circum ,  
 Palladis Heroas referunt . Hunc noſtin' athenâ  
 Fulgentem galeâ , niuiibus quem concolor albis  
 Portat equus , formâ egregium , noſtrâ ægide , &  
 armis  
 Lucen-



Lucentem? Hoc robur non eluctabile dextræ,  
Dextræ, inquam, Herculeæ cernis, vultusque  
serenos,

Et frontem inessam genijs ridentibus? (a) Ille est,  
Sic olim armatus Marti Germaniæ adhæsit  
Ad Rhenum Lotharo, qui, si nunc viueret, atque  
hæc

Audiret, legeretque oculis; agnosceret ille  
Hoc tacitum nomen, quod secum in sydera vexit:  
Talem cæruleo Regina Ligustica vidit  
Stantem in puppe mari, prohibentem aduertere  
ripæ

Admonitas longè proras, cùm tenderet hostis  
Antennas contra nequicquam & carbasa ventis;  
Talis & obsessos ad muros feruidus ibat,  
(Si finerent) peditumque sequax iam mouerat agmen,  
(Hoc ego consilium dederam) allaturus in arcem  
Allobrogum, longo fessam luctamine Martis,  
Suppetias tandem summo in discrimine rerum.  
Et nunc è castris reducem post horrida bella  
Mirantur populi; & quoties ante ora per urbem  
Altus equo inuehitur, plaudentum it clamor ad  
auras

Per fora perque vias: Hic est ille inclytus, ille  
Heros magnanimus, quem miles in ardua quæque;  
In quascunque velit partes, extremaque mundi,  
Spontè sequax, vltroque volens comitetur euntem.  
Hic famam, & clarum nomen virtutis Iberæ  
Sustinet: hic toties stetit imperterritus inter  
Sibila fatiferi plumbi, non inde reutilsus  
Nec prece nec monitis, nec passim morte  
cadentium

Cæsorum ante oculos: hunc tandem, hunc astra  
dedere

Custo-

(a) *Marchio de Leganes.*

Custodem Italiæ, qui vela inimica per undas  
Terhyos Ausoniæ, circumque Alpina frementes  
Claustra irrupturos arceret finibus hostes.

Talia per populum vulgò exaudita feruntur.

Tu verò has credis non usque ad sidera voces  
Attolli? Hos plausus, hæc nomina posse latere?

Hæc postquam cœtu in medio Tritonia quæsta  
est,

Composuit frontem, simulataque nubila terfit,  
Blandius arrisit, roseoque hæc addidit ore.

Ast ego, læsa licet grauius, non aspera tecum  
Bella volo; centupi munitas scilicet arcēs

Obijcis, & fossas, & propugnacula contra:  
Non æquo valeam tecum contendere Marte.

Quin vitro pacem Dea posco; &, nequa supersint  
Diffidia, oranti poscentique annuo votis.

Macte animis ergo, quamprimum in lumen itura  
Inclyta progenies; neu te cura anxia tangat,

(Hæc quando tibi causa viæ) quod nominis expers  
In lucem venias, & se tibi deneget auctor.

Ipsa meum nomen Pallas, titulumque Minervæ  
Substituto, Auctorisque loco me pagina prima

Exprimat hoc ipso è folio præcepta ferentem.  
Sic tibi consultum satis est: iam parce querelis.

Nunc verò hæc memori, quæ dicam, mente  
reponere,

Atq; animis ærua. Quamprimum in tecta reuersus  
Veneris in patrias sedes; Genitoris ad aures

Hæc mea dicta feres. Nosco quid cogitet, & quos  
Ingentes agitet tacito sub pectore sensus,

Et video mentis molimina, quantaque Ibero  
Adderet ille Ioui, cui militat; & quibus intus

Æstuet impatiens votis, dum tempora rebus  
Opportuna videt, venturaque præuidet alto.

Ipsa quidem præsens adero , solertia quantum ,  
 Ingeniumque sagax valet : At non omnia Pallas  
 Vna pot. st , neque de medijs excludere sulcis  
 Possumus annatas acies , ceu tempore præco  
 Thebanis segetem bellantum eduximus aruis ;  
 Nec Dea thesauris præsum , quos exigit ingens  
 Difficilis Mauors , & inexaturabile bellum .  
 Sed neque ferre potest mitissimus ille querelas ,  
 Nec paritur luctus populorum ; sed quoque fidis  
 Militibus bello meritis , pretia æqua laborum  
 ( Hoc certum , hoc altè fixum ) stat cuique referre .  
 Hinc æstus varijs , hinc animi iustissima cura .

Ne super his verò toties oracula nostra  
 Consulat : Hunc vnum Pallas dissoluere nodum  
 Perplexum nequeo . Nec tu , qui cætera , ductis  
 Orbibus & spiris , obscura arcana recludis ,  
 Difficile hoc , studiose liber , problema resolues .

Talibus effata est Pallas ; tum denique eburno  
 Surrexit solio : dextrâ leuâque sequuntur  
 Diuæ immortales : stellati symmaris aurum  
 Sustainant fidæ comites : Illa vndique lucem ,  
 Quâ graditur , coelo spargit ; perque atria longa ,  
 Secretasque aulas , louis alta in tecta recessit .



## M O N I T V M.

**I** Ndomitis ab equis raptus per denia cursu,  
Prærapidis utcumque trahi videre quadrigis  
In præceps, caue ne subitâ formidine tactus  
Exiliens temere è rhedâ, dum concita fertur,  
Inconsulto ausis in tutum euadere saltu.

Hinc tibi pernicies & lethum certius instat,  
Quàm si per mille anfractus flexusque viarum  
Aspera quadriugos effrænes semita ducat.  
Nam quoddam est certum graua intra corpora  
punctum,

Vnde æquis pendent momentis vndique partes:  
Hoc vi diuersâ si tempore agatur eodem,  
Nimirum curru, obliquoue per aëra iactu;  
Inde exlex oritur commixto linea (a) motu,  
Quam nullâ ad legem Cartesius exigat arte.  
Quippe illud rectâ fert impetus ille quadrigæ,  
Qui tibi inest, quamuis ægrè discernere possis;  
Parte aliâ celebrem, proiecto corpore, curuam  
Describit, quam rectangli dat sectio coni.  
Inde fit ut nequeas librare per aëra saltum,  
Quem varias adeò in partes non vna trahit vis.  
Atque ideo, hoc mistum qui nesciat, hic sibi  
certò

Exitium partum tali in discrimine norit.  
Nec te præruptus callis, nec fossa, nec ingens  
Terreat ante oculos decliue. Hæc quippe feroces  
Terricula (haud dubites) sistunt propiora iugales.  
Nonne vides ut sæpe manu puer obuius illis  
Intentâ, obiectu vestis, vultuque minaci

Præ-

(a) Intellige eos motus lafos à medio; cateroquin  
ex eorum mixturâ adhuc nasceretur Parabola.

Præcipientes teneat? Quantò id magis obuius annis,  
 Aut rupes poterit? Verùm formidinis hoc est  
 Eligere in rebus subitis peiora, nec villam  
 Ferre moram, atq; illuc, quò mentem pertrahit atri  
 Terroris nutus, ruere illico. Falleris ergo  
 (Da veniam inculcanti eadem; nam carniinis huius  
 Vtilitas potior mihi laude est) falleris, inquam,  
 Quòd te in quadrigâ currente quiescere censes,  
 Atque è stante loco iactu te impellere certo  
 Deceprus reris; nec vim tibi inesse trahentem,  
 Effusus quâ fertur equis rota feruida, sentis.  
 Quod ratione pari poterunt te plura docere.  
 Nam si, distentis dum puppis it incita velis,  
 Deijcias lapidem summo de vertice mali;  
 Hunc recto in speciem lapsu descendere ad imum,  
 Nec minimùm à prorâ cursum obliquare videbis:  
 Idque ideo, cursu navis quia fertur eodem  
 Iam priùs impresso, vimque illam seruat, ab alto  
 Dum cadit, atq; vnâ in partes transfertur easdem.  
 Falleris vterius, quòd stans vereare pericla,  
 Quæ præsentia equos effrenes illico sistent.  
 Namque hos in cursum effusos & sponte ruentes  
 Quod præceps rupes, aut ripa, aut fluminis vnda  
 Hauerit; id, credo, vix fortè audiueris vnquam.  
 Innumeris contra cædem, aut miserabile vulnus  
 Lethifer iste tulit properâ formidine saltus.

Hæc longè vtilius noris, quam si angulus intres,  
 Aut quotuis æquas partes tibi rite secetur:  
 Aut extrema inter duo si totidem quoque eadem  
 Continuâ in ratione tibi interposita locentur.  
 Ista globis poterunt quippe vnum æquare duobus;  
 Illa autem in numero viuendum te retinere  
 Interdum valeant, donec tibi stamina Clotho  
 Transferat in plenos exhausto vellere fusos.

IN-

# INVOCATIO ZEPHYRI

Poeticæ prolusioni præmissa ad Rhetores, exeunte Iulio.

**O** Zephyre, hic morimur; tuque æthere  
forſan aperto,  
Sole ſub ardenti, medioque in pulvere,  
circùm.

Meſſores duros volitas, & erinibus illis  
Te, miſer, inuoluis, quos tangere corneus ipſe  
Peſten, & vnda timent. Cur te, & tua flamina,  
demens,

Tam miſerè perdis? Non illi hæc munera curant,  
Quis multò potior nigro foret amphora, crede,  
Plena mero. Vident' vt nodo implicuere capillos,  
Quis tete illaqueas, auerſaque terga dedere  
Trituræ intenti? Quin tu, quocunq; vagaris,  
ſeu tenet herba virens, ſeu puri glareæ fontis,  
Huc, optate, veni. Te carbaſa carula piſto  
Accipient gremio, te plurima cænia collo  
Reticulata vocat: reptabis garrulus inter  
Diſperſa hæc illæc folia, æonioſque libellos:  
Mille galericulis inſiſtes: plumea fortè  
Ingenia inuenies tibi certatura volando.

Audiſt: Huc roſeos vultus, huc flexit ocellos,  
Intentuſq; ſilet. Nunc, dum ſecum hæſitat anceps,  
Neglectum ſimulare iunat, reſtinctaque vota.  
Namque, vbi contemni ſe viderit, illico blandus  
Huc aderit. Vos interea, dum flamina diſſert,  
Æſtum importunum piſtis remouete ſtabellis  
Segniter, intentique animis audite canentem.

Nam

Nam mihi narranda est pulcherrima fabula:  
Nempe

Vt prima urbanos mores induxerit olim  
Alma Venus terris, cum primum condidit vrbes  
Prouida mens hominum Saturni tempore; vt  
arcas

Tum Dea furcillas, vitra, & colearia foedis  
Intulerit mensis, Itrophijque, & pectinis vsum,  
Forficulasq; nigris ressecandis vnguibus; & quas  
Sancierit poenas ructantibus ore Falernum,  
Quasque manu nares foedè emungentibus, &  
quas

Denique de plenâ merso ore bibentibus orcâ.  
Digna cani res est: Nam prima exordia sumpsit  
Fortuito e coenâ, quam, gentibus vrbe coactis,  
Cum celebranda forent certo connubia ritu,  
Tum primum Sponsis Fauni Saryrique dedere.  
Ad quos alma Venus pariter delata quadrigis,  
Cum Nymphis accita suis ex æthere venit.  
Ergo quid acciderit diuæ inter fercula; vt illas,  
Quas inouit, urbanis seruandas gentibus, inde  
Extuderit leges; vt deinde Hetruscula easdem  
Auxerit, atque alias adiecerit Arnia (nomen  
Hæc Arno dedit, Hetruscis dedit altera Nympha)  
Hinc canere aggrediar &c.



## S O M N I A.

**Q**UAM vario mihi tetra abiit nox concira  
Morphœo !  
Elysi in primis campos per somnia vidi,  
Et tacitum Lethen, animasque in lumen  
ituras,

Quæ fluuiio acclines obliuia longa bibebant.  
Has inter procera senis venerabilis umbra  
Horrebat latices pigros, atque ora negabat  
Mergere somniferâ in lymphâ; nec sydera rursum  
Aspicere & solem tanti censebat, ut æquo  
Ferre animo posset tot parta laboribus olim  
Perdere, tantarumque haurire obliuia rerum.  
Hic ille Adriaci decus immortale Senatûs  
BEMBUS erat; claro quem nomine cætera turba  
Compellabat, ut ad superos de more migraret:  
Nam Phœbus reditum impetrauerat illius, et si  
Elysi nondum iustos expleuerat annos.  
Ille autem tot præclaras, quas hauserat, artes  
Adduci haud poterat tristi ut demergeret anne.  
Hæc intempestâ vidi, ut reor, abdita nocte,  
Cum nebulis somnus mentem grauioribus vrget.

Dein versa est scena. Elysijs abeuntibus, atrum  
Transferor in pagum, quò gens confluxerat  
ingens,  
Condensique forum miscebant murmure magno  
Agrestum cœtus, atque innumerabile vulgus.  
Nundinæ erant, queis ad libitum se quisque,  
vicissim

Permutare alio poterat, si nempe pigeret  
Fortè sui quenquam, inque alium migrare proinde  
Vellet,



Veilet, permutando, ut mercatoribus est mos.  
 Ipse autem cum ruricolâ præsente videbar  
 Re super hâc altercando de more pacisci.  
 At, bene pensatis hinc atque hinc omnibus, asper  
 Villicus adduci haud potuit. Se nempe beatum  
 Conditione suâ aiebat, qui duceret annos  
 Tranquillos, cui nulla animis abscondita cura  
 Pectora perfoderet struâ intra viscera nido.

His quoque discussis, aliud mihi in æthere,  
 Morpheus

Obtulit ante oculos monstrum. Mauortia namque  
 Stella adedò terris accesserat igne propinquo,  
 Ut cæco in Phœben impigerit acta rotatu,  
 Quæ rimam duxit vegrandem, atque inde per auras  
 Lampades, & rutili prodibant undique lychni,  
 Innumérique globi, & faculæ, lulaque pivebant.

Vah! quibus incorkans lepidis conœdia,  
 mimis,

Nil mentem veritis, animi in penetralibus acta est!  
 Dic age, dic, Morphen, qui talia ludicra fingis,  
 Ut diuersa adedò, serie nexuque sine vllò  
 Tam vario occurſu tot rerum exotica missis  
 Undique imaginibus truncis simulacra ferantur.  
 An, veluti pueris discentum è gymnade plenâ  
 Doctòr ubi sese paullùm subduxerit, illi  
 Continuo hâc illâc nugis & murmure multo  
 Discurrunt varijs haud aliter, ratione magistrâ  
 Tantisper cessante, omnis turba illa volucris  
 Spectrorum, ut catuli caveis laqueisque soluti,  
 Protinus exiliunt, & festa tripudia ducunt?  
 Sic reor. In nobis est quædam nempe facultas,  
 Peniculis vivis se sponte mouentibus, omnia  
 Ad viuum referens. Hanc mens regit ordine certo  
 Assistens operi, & præscribens singula nutu.

Ni faciat: volat illa exlex, deliria pingens,  
 Qualia murorum in limbis descripta videmus;  
 In quibus interdum gryphi de vertice na'um  
 Conspicimus florem, cui stans in culmine Syren  
 Adiculam manibus gestat, quam tania longa  
 Alligat, atque hanc apprensam grus sustinet  
 vngue,

Cui rostrum in frutices & baccas, cristaque in  
 vuas

Definit: Haud secus hæc pictrix insana vagatur.  
 Sic pueri conscribunt quæcunque papyro  
 Ad calamus veniunt: Sic leni concita vento  
 Lympha tremens torquet rerum simulacra sub  
 vndis.

Hæc vis ante alios insano concitat æstro  
 Aonios vates. Nam dura in marmora versam  
 Tantaliden, & matre satos tellure gigantes,  
 Et reparantem artus siccis in certamine Oril'm,  
 Nec non roboribus textum, atq; in moenia ductum  
 Instar montis equum, congesto milite foetum,  
 Atque hippogrypho subuectum Atlanta per auras,  
 Et quæcunq; olim cecinerunt monstra Camoenæ;  
 Talia non ratio, non mens (quippe absona) cudit:  
 Sed sensus parit iste amens, mentisque magistræ  
 Explicat ante oculos. Illa autem digerit omnia,  
 Inque vnum cogit, delectu singula multo  
 Expendens caute, statuitque finissima vero,  
 Ipsidemque instillat mores, præceptaque vitæ,  
 Collocat & mutat, variaque in luce reponit,  
 Donec in integram coeant idolia formam.

# DE CUCURBITA ET CEDRO APOLOGUS.

**C**edrus in aprico pulcherrima creuerat  
horto,  
Cui sensim adrepens intorta cucurbita,  
trunco,

In summum culmen paulatim euaserat. Vt se  
Ex humili areolâ sublimem vertice in illo  
Vidit, & in ramis turgentes undique natos,  
Vtq; suos flores, folia ampla; circumspexit,  
Et se maiorem decuplo ceruice coloni;  
Intumuit fastu quantum nec Tantalus olim  
Ausâ gemelliparam præ se contemnere Diuam.  
Iamq; cucurbitulis misceri aurantia mala,  
Gnatis nempe suis, & odoros serpere cedros  
Inter nativos calathos, atque insuper ipsos  
Velle suo citrinos ramos se iungere cauli,  
Disimulans quantis, ægrè graniterque ferebat..  
Præterea rure exceptus dum circuit hospes  
Areolas has atq; illas, & singula lustrat,  
Attonitus monstro, Quàm vasta cucurbita!  
nusquam

Turgidiorem, inquit, vidi. Peragrauerat ille  
Italiam, Belgas, Mollandos, atq; Britannos,  
Credo etiam Ægyptum, & Syriam lustrauerat  
omnem,

Nec simile in terris portentum inuenerat ullis.  
Hinc alij atq; alij acciti, quos fama trahebat  
Hortensis dominæ. Mirantur vt ardua tantam  
Extulerit molem; vt centum circumdata natis,  
Cœlicolas inter veluti Berecynthia mater,

Creuerit in superos. Quod si fortuna dedisset  
 Proceræ adiungi platano, aut si fortè cupressum  
 Nacta foret, nil tale suis iactaret in hortis  
 Gallia, non ipse Alcinous, non regia Memphis.  
 Nec satis. Actum est ut senio cum denique victa  
 Cesserit extremo (nec enim sub sole perennis  
 Semper erit) nemo tentare latentia cultro  
 Viscera, nec furuis inferre lebetibus ausit:  
 Sed maneat, dum fata sudent: Tum denique, saxo  
 Inscripto, æternum monumentum in secla supersit.  
 Quo platu tumefacta iterum sic creuit, ut ingens  
 Vix ferrent pondus res duro è robore pali,  
 Quos ruris domirus ruituræ subdidit aluo.

Tum verò ingemuit cedrus. Mihi scilicet,  
 inquit,  
 Antiquâ de stirpe satæ (proh Iupiter!) ista  
 Nata recens, lunâ anteaetâ quam serpere betas  
 Inter & asparagos, nascentiaq; allia vidi:  
 Cui (dictu foedum) nuper de stercore equino,  
 Quod non in partes olitor diuiserat æquas,  
 Lis ingens cum caule fuit; quam denique sulco  
 Marcentem putri nostrâ proteximus umbrâ,  
 Ac demum precibus nostro se adiungere trunco  
 Oranti dedimus: nunc partis aucta repente  
 Diuitijs, coram spectanda cacumine in alto,  
 Inque dies crescens, mihi nempe insultat agrestis,  
 Immemor, ingrata, & toto mihi vertice supra  
 est.

O magne Amphitryoniade, qui nostra, dracone  
 Extincto, Hesperijs quondam mala aurea ab  
 hortis

Subdusti in superos, mensæ apponenda Deorum;  
 Nunc ò nunc istis, supplex precor, exue nodis  
 Ligantes ramos, indignaque vincula solue.

Tandem

Talibus infelix dura infortunia flebat.  
 At non Alcides optatum præstitit agræ  
 Auxilium, casu quanquam perculsus iniquo,  
 Cælicolam veritus risum & conuitia Olympo.  
 Nam qui sermo foret, quæ toto fabula Cælo,  
 Exantlatorum quondam si forte laborum  
 Postremò cucumis memorandum clauderet agnien!  
 Hæc natum Alcménâ iustissima cura tenebat.

Accidit interea ut natus pluuio æthere fungus,  
 More suo testus pando enormique galero,  
 Astartet coram: quo læsa Cucurbita agrestem  
 Obsequij immemorem, telluris putris alumnum  
 Bis terque increpuit. Quid enim, ignauissime,  
 nostrâ

In ditione audes prodire iniussus ad auras,  
 Progenies terræ, nebulo, morum inscie, & omnis  
 Expers officij, quem nec reuerentia nostri,  
 Nec sobolis tangit? te te, inquam, teste cucullo,  
 Atque illâ vmbellâ, capiti ne frigidus ær,  
 Aut æstus noceant. Sic illa. Haud secius ille  
 Moribus antiquis, urbanæque inscius aulæ,  
 Vertice perstabat cooperto: & , Militis, inquit,  
 Iura scio: nulli galeam demittimus; hic mos,  
 Excubiæ quoties noctu, aut sub sole geruntur;  
 Et mihi nunc statio seruanda. Hunc villicus ergo,  
 Quod reginam horti tali despexerat ausu,  
 Iudicio properè castrensi more peracto,  
 Damnauit capite. Infelix citrinæ arbori adhæ-  
 rens,

Cuius ad apricam noctu succreuerat vmbra,  
 Nequicquam implorabat opem. Nec profuit  
 illi

Quod Capitonum esset de gente, & tegmen  
 haberet

Assutum collo. Dictu miserabile! sectus  
Membratim, capite amisso, dedit illico poenas.

Hæc tandem aspiciens summo Tirynthius axe  
Non tulit viteriùs factum; vlttricemq; per auras  
Deinisit sacram Nemefum, quæ rustica corda  
Agrestum exciret, iustâque accenderet irâ.  
Illa patrem ruris, seu Mopsûm, siue Menalcam,  
Seu quisquis fuerat, strumosa coniugis ora  
Assumens adiit, parulâque in lance moretum  
Egregie tostum, longè redolentibus herbis,  
Ostendit; simul ex oculis, ceu fumus, in auras  
Excedens, tremulo risit de nube cachinno.  
Namque abiens suam misero intra viscera,  
orexim

Liquerat, atque olei fricti nidore fragranti  
Affilarat nares; quo percitus omne repente  
Circuit ille penu, sed frustra; nam Dea cunctas  
Clauserat ante dapes, ipsisque refixerat vsque  
Crustula decipulis, pullosque fugauerat omnes  
Accipitre immisso. Scrutanti ergo vndiq; rectum,  
Præque æstu bilis conuitia amara vomenti  
(Cogit enim vesana fames ventri indita) tandem  
Illa ampla, illa ingens, decumana cucurbita  
votis

Opportuna subit. Volat illuc protinus; atque  
Heus,

Inquit, ut egregium duxti, Matrôna, maritum!  
At tua nunc importunus connubia tristo;  
Nam me morbus habet sæuissimus, & dolor  
ingens,

Qui bilem ex imis ciet vnguibus, vnaq; læso,  
Nympha, potes stomacho (quod supplex oro)  
mederi.

Talibus insultans caulem ab radicibus vnco

Dis-

Dissecuit culro. Paulatim culmine ab alto  
Labitur infelix. Risit Pomona cadentem,  
Risere hortenses Nymphæ, nec se tenere  
Sub terris nâpi, rapunculus, allia, porri,  
Imaq; plebs olerum. Coniurata omnis agrestum,  
Certatim in nigram rapiebat turba coquinam.  
Exin bis quatuor mensa instaurata diebus,  
Festa velut cæso ingenti Landaria porco,  
Aut lætum domini celebrarent rura Hymenæum.



## CHRISTOPHORO CEVÆ

è Soc. Iesv.

De eiusdem versione latinâ  
Torquati Tassi.

**A**fflatus Musis, & sacro percitus œstro  
 Qui potuit numeris epicum conscribere  
 carmen,  
 Atque opus integrum constanti absol-  
 uere Phœbo;

Huic ita mens, vultus animi, & tenor indolis, ipsâ  
 In serie textuque operis nitet, ut nec Apelles,  
 Nec Zeuxis, credo, telis expresserit olim  
 Quenquam adeò ad vivum, quàm vivâ in imagine  
 mores

Exprimit ille suos, geniumq; animumq; colorat.  
 Hinc te Torquatum in magnum, germane, migrasse  
 Crediderim, quando sic illum carmine reddis,  
 Et Latio donas, ut non alio ore tubâque  
 Ipse olim Augusti quondam cecinisset in aulâ,  
 Si Latio illa ætas eadem argumenta tulisset.

Quæ tam rara fides! ut, qui volitare per auras  
 Ipse tuis poteras liber trans nubila pennis,  
 Alterius genij transire in vincula sponte  
 Malueris? Nam qui primùm rem conficit auctor  
 Aspera multa tegit blardi dulcedine rhythmî  
 Non alio placitura sono; multa abstinet idem,  
 Natiua interdum quòd non sit consona menti  
 Lingua satis; multa assurgunt, quæ pigra iacerent,

Quòd



Quòd numeri aspirent, aptèque sonantia verba.  
 At contra interpretes non rebus demere quicquam  
 Audet, ne fidei defit; non addere, siquid  
 Suggestat interdum mentis calor, ipsaque poscat  
 Pauperies linguæ, aut rigidi lex improba metri.

Et mihi quondam animosidem succenderat ardor  
 Regis Agramantis Mauortia bella legenti  
 Obnixò studio lectissima quæque per amplum  
 Sparsa opus, hæc illac decerpta ex principe vate,  
 Italico è plectro in Latias deducere chordas  
 Si possem. At quantum mihi ponderis incumbentis  
 Continuò sensi! quantum terroris aliena  
 Illa tuba attonitis Musis Pindoque ferebat  
 Ære suo! Primus calamo sese obtulit ille  
 Sorani Ducis infelix ante ora peremptus  
 Egregius natus, quem sævus Dalmata captum,  
 Inque scapham ductum, coram genitore fremente  
 Eridani in ripa, crudelis sustulit ense.  
 Hanc scenam ante oculos quibus ille coloribus ornat  
 Divinus vates! Quantus tonat ore! quibus se  
 Insinuans lacrymas extorquet viribus? Audi.

*Qui sensus tibi, Dux Sora, qua mens fuit,  
 requid*

*Consilijs? ut natum circumfessum undiq; ab hoste  
 Malle inter strictos gladios galeâ exui, inermemque  
 In lembum duci, & iussum capite illico plecti  
 Vidisti coram supponere cella securi?  
 Ut poteras oculis spectacula ferre? nec idem,  
 Qui puero, vitam pariter tibi sustulit ensis?  
 Dalmata crudelis, qua Colchis, qua Scythia unquam  
 Hoc agit, ut bello captum, qui deditur, armis  
 Iam positis, nec se defendere nititur ultra;  
 Hunc tamen è medio tolli consentiat? Ergo  
 Quòd puer infelix patriam defenderit armis,*

*Quòd patrì in bello comes haferit , impie , ferro  
Exigis iccirco pœnas ? Inque ista sub axe  
Execranda oculis hodie , Sol , aspicias aquis ?  
Nec fugis , ut quondam , tot quando hac nostra  
Thyestas ,*

*Immanesque Atreos crudelia secla tulere ?  
Florentem inuenem letho , scelerate , dedisti ,  
Quo non Manortis studio prastantior usquam  
Licore ab occiduo fuit alter ad ultima regna  
Aurora . Poterat tenera ætas , formaque vultûs  
Flectere Cyclopem ; at non te , Lastrigone quonis ,  
Atque Anthropophago , & semifero Polyphemo  
Peiorem . Nunquam veteres exempla dedere  
Talia , quæis studio mites ante omnia mores ,  
Atque animi exculsi . Haud illis post pralia quicquam*

*Fellis erat , non alitè animis defixa manebat  
Ira memor ... Sic ille meo nunc ore ; sed ore  
Non sic ille suo . Quantum transfusa vigoris  
Massica deperdunt , tantum mihi carminis huius  
Translati perit ; & tenues vanescit in auras .  
Nam licet & sensus , & verba fere omnia fidus  
Reddiderim ; est aliquid quod deest tamen .*

*Attamen istud*

*Haud facile quisvis norit , nisi nouerit illud  
Difficile atque aitè abstrusum , quo carmina  
Viuunt :*

*Nec viuunt alio , quàm moribus , indole , & ipso ,  
Vi quadam genij , transfuso in carmina vate ;  
Sed vate egregio Cyrrhea ad flumina nato ,  
Quem citharâ , & licris donarint Nymphae lauris .*

## BONUS ANACHORETA

Inter DEVM, & Cacodæmonem  
sequester pacis.

**N**iliacæ, ut perhibent, senior quondam  
incola eremi,  
Simplicis instar aquæ, & miti sine  
felle columbæ

Mitior, & venâ antiqui sincerior auri,  
Iamdudum in scopulis, nemorumque recessibus  
æuum

Delicias inter diuûm traduxerat. Olli  
Iugiter oranti, & glebas dum verteret horti,  
Et dum fiscellas vitreum prope texeret amnem,  
Inter opus comes humano placidissimus ore  
Sæpe aderat Deus. Et potuit bonus ille mereri  
Inuidiam supersûm; genius nisi sæpe malignis  
Otia turbasset malus artibus. Ille legenti  
E manibus toties difflare volumina in auras;  
Ausus & ore graui bis terque halare mephitim  
Sulphuream, propiùsque à tergo extinguere  
lychnum.

Tum varijs terrere modis, modò noctua, nunc sus,  
Nunc leo; & interdum qualis quantusque videri  
Cornibus & flammeo vultu solet ille sub orco.

Nec tamen irasci senior, nec dira precari,  
Nec procul, ut decuit, sceleratam auertere pestem  
Increpitans dictis. Quin ab radicibus imis  
Tot quondam se posse ratus conuellere turbas,  
& cum animis statuit, litem, caput omne malorum,  
Ipsius à mundi exortu, quæ numen, & inter

Regnatorem Erebi vertit, componere dexter,  
Fœderis inter utrumq; auctor, pacisq; sequester.

Ergo dies noctesq; vigil scrutarier artes,  
Rimarique vias, quas posset, sedulus omnes.  
Nam si, inquit, meditata queant succedere, &  
istud,

Quod terras adde, quod cœlum, & tartara miscet,  
Hinc atq; hinc odium leniri, & iurgia poni  
Tam nihil est ultra metuendum, ipsamq; licebit  
Obsignare Stygem, securaque ducere noctu  
Somnia, pacatoque frui sine litibus xuo.

Talia dum secum per noctem plurima voluit,  
Ecce sub auroram placida inter somnia menti  
Adfuit e cœlo Numen, cui gratior alma  
Simplicitas, licet illa parens innoxia saepe  
Erroris, quam caeca tumens prudentia fastu  
Grandiloquo, & magnis diues sapientia nugis.  
Atq; ubi, post multa in solem producta vicissim  
Alloquia, audendi & sandi data libera tandem  
Copia quæ vellet; rem totam ex ordine pandit,  
Et causam ingenuis precibus lacrymisq; tuctur,  
Scq; rogat medium statui, qui fœdus utrinque  
Transigat, irarum moderator, & arbiter æqui.  
Quid plura? Annuere est visus mirissimus illi  
Regnator superûm, modò pronum sisteret hostem  
Antiquo sceleris intentum, veniamq; rogantem.  
Tuq; ait, his lacrymis, & quâ potes arte, rebellem  
Aggredere indomitum dictis, si cogere possis:  
Cetera ne quaesites. Sic fatus deinde recessit,  
Atque alacrem primo successu, hilaremq; reliquit.  
Vix capere ille finu sua gaudia, vixque teneri  
Quin celer ipsam adeat, modò detur, nuncius  
Orcum.

Lam prope rem gessi: scabrum potinsq; subactum  
est:  
Di-

Dimidium facti ultra habeo: Iam tartara cælo,  
Spero equidem, stabili nexu coniuncta tenemus.

Ecce autem, postquam ter lauerat æquore Titæ  
Flammiferos currus, ter fræna resolverat aurea  
Alipedum; mediâ intempestæ noctis in umbrâ,  
Adfuit ipse etiam Cacodæmon, vultu habituq;  
Æthiopis nigri; sed cui frons rupta pusillis  
Cornibus, & villis crura hirta, pedesque bisulci.  
Namque ferunt hæc lege datum se vertere posse  
In facies hominum; tamen ut sese abdere totum  
Ille vaser nequeat, suaque illum insignia prodant.  
Cui senior (clausam qui nempe indagine prædam  
Crediderat) similis miseranti, vertere probro  
Hanc ipsam speciem, atque amissæ munera formæ.  
Heu pudor! heu probrum! quantum mutatus ab illo,  
Qui quondam fueras, velut inter Lucifer ignes  
Sydereos, inter sic pulchrior ipse sodales!  
Quid labes celas? quid equinas obtegis aures?  
Hæc facies? hæc illa tibi lux indita quondam?

Iugemuit nequam, atq; è pectore rugijt imo,  
Suspexitq; polum, & veteris reminiscitur olim  
Delicias patriæ. Quid si (bonus institit ille)  
Quid si, post duri tot secula carceris, illuc  
Regressus iterum pateant? (siluitque parumper,  
Ut faciunt qui læta ferunt, quibus ista voluptas  
Excruciare diu cupidos avidosq; sciendi)  
Tum magis atque magis bonus auceps retia cogens,  
Quid si non renuat, quin certis legibus, inquit,  
Fœdus inire velit, quin & subscripserit ultro  
Arbiter ipse Deus? Propius dein fatus in aurem est.  
Macte animis: teneo iurata pignora pacis:  
Regna iterum datur, & patrias conscendere sedes:  
Vna hæc conditio: venia exposcenda: rogandum est:  
Summittenda ultro ceruix: nil poscitur ultra.

Risit

Risit ad hæc Stygius labeo; paulumq; moratus,  
 Et similis secum ineditanti plurima; postquam  
 Perfricuit lævum cornu, Cæloque sereno  
 Ter lunam suspexit lians, fulgentiaque astra,  
 Lanigerumq; caput ter scalpfit: Nil moror, inquit,  
 Accipio fœdus: rem transige; dummodo pactis  
 Stet iurata fides atq; integra. Non tenuit se,  
 Tanta repenti animos inuasit cæca voluptas,  
 Quin rueret simplex in colla, atque oscula ferret,  
 Quæis tamen afflati vultus, suffraque veltis.  
 Impatiensq; moræ; quin, subdidit, id modò, fœdes,  
 Conficere est animus, dum res calet, & moræ quævis  
 Vertere cuncta potest. Hinc atq; hinc luctida fumo  
 Terge ora: hunc capiti villosum aduolue cucullum:  
 (Ipsè manu scapulis hinc inde aptabat utrisq;)  
 Retrahe cornicula introrsum, ne vertice acuto  
 Perterebres pannum. Papæ! ut hæc tibi cornea pellis  
 Fluat igne? (simul digitum excussitq; perustum  
 Admouitq; labris) Bisulcis nuncingere plantis  
 Ligneæ sandalia: Hoc nostro lebitone decenter  
 Compositum magno coram te numine sistam;  
 Atq; preces, lacrymasq; simul miscebinus ambo.  
 Hic demum patuere doli, conuersaq; scena est.  
 Cui seruire vaser bucco non sustulit ultra.  
 Quas lacrymas? (caperans frontè nequissimus in fit)  
 Quas miscere preces? quo sistere numine coram?  
 Quid blateras, delire senex? quid homuncio? crudû  
 Nunc etiam redolens cœnum, argillamq; Damasci?  
 Non ita conditum, non ista in fœdera veni.  
 Tum nebulis hærete senex ingentibus: Ohe,  
 At non de veniâ liquidò convenimus ante?  
 Non ea conditio? Quæ nunc sententia mentem  
 In diuersa trahit? Cui ridens perfidus: O te  
 Helucum immemorem! Rem sic intelligo, ut istam,  
 Quam

Quam dicis, veniam pro conditione petendam;  
 Non ego, qui inuneritò læsus, qui pulsus olympo,  
 Qui patrio è regno in nigrum detrusus auernum;  
 Sed Deus exquirat supplex, dabimusque roganti.  
 Hoc ego credideram iam te statuisse, nec esse  
 In re tam parulà quicquam discriminis. Ergo  
 Constitue hoc primum. Dein quædam pauca su-  
 persunt

Componenda etiam. Nam cui pars ætheris illa,  
 Quæ ad Boream vergit, sit debita (cuius iniquè  
 Per vim extorta mihi possessio) lis erit inde  
 Longa super, dirimenda iterum vel iure vel armis.

Talia iactanti creuerunt cornua, quercus  
 Instar montanæ, succreuitque horrida mento  
 Canities, Regemque nigri se prodidit Orci,  
 Qui nuper fulci Æthiopis sub fronte latebat.  
 Dein terram hircino quatiens pede, claustra  
 profundi  
 Laxauit, Stygijsque iterum se immiscuit umbris



Poesis Theologica  
FRANCISCI DE LEMENE  
Patritij Laudensis

Vnde originem traxerit.

IDYLLIUM.

**D**Iuino huic Vati mens vnde iniecit,  
canendi,  
Carminibusq; datum secreta euoluere  
Dinam,  
Concilius ipse, licet iurata silentia nollem  
Frangere (læsa fides, superique ignoscite) dicam.  
Iam dudum hæc plectra, æthereis nunc consona  
plectris,  
Optarat sibi diuus Amor: Tentauerat omnes  
Sæpe aditus, & sæpe manu testudinis aureæ  
Impulerat chordas, toties quoque sinxerat iras,  
Vincere posse ratus. Verum iuuenilibus annis  
Viuida Musa, inter pulcherrima diua sorores,  
Heu niteos velare sinus, heu cogere sacro  
Cervicem teneram velo, tot prodere amores  
Ingenuos, tot delicias, & Cypridis omnes  
Exuere illecebras agrè miseranda ferebat.  
Agrè utcunque, tamen nunquam perferre coëgit.  
Namque iratus Amor, totq; anrea spicula in auras  
Proijcere haud passus, scabrum rubigine telum  
Sustulit è mortis pharetrâ, sonitumque metumque  
Axæ



Axe ciens, nocte & nebulis absconditus atris,  
 In tua, Lemene, contorsit viscera ferrum.  
 Tum superassistsens, Spolia, inquit, protinus omnia  
 Huc Veneris redde, huc flammis abolenda supremis  
 Nianine quæ inuito venere in luminis auras,  
 Aut animam dabis hanc: nudo simul ense minatur,  
 Attollitque ferox propius Libitina securim.  
 Quid faceret tanto miser in discrimine vates?  
 Quid poterat? quò se gemino subduceret hosti?  
 Annuit infelix oculis, digitoque tremante  
 Prodidit ipse suæ populanda æraria Musæ.  
 Heu miseræ Hesperia, heu Veneri lacrymabile  
 vulgus!

Illic auricomi primæ lanuginis inter  
 Sylvestres calamos, inter tela aurea amores,  
 Ingenuique Ioci, & Florum certamina amantum:  
 Quin & Sicelides citharæ, modulataque Ibero  
 Multa sono, Latijque modis, & Gallica metro  
 Carmina, tum socci, & pateræ, tragicique cothurni,  
 Heroumque tubæ pariter, Mauortiaque arma  
 Permissa, æonijs lauris protecta latebant.  
 Nec mora, quâ rigidus Vatis signauerat index,  
 Austero data cura seni popularier illas  
 Delicias omnes, atque omnia perdere flammis:  
 Qui lacrymis nihil inflexus, nil supplice vultu  
 Plorantis musæ, genibus pedibusque volutæ,  
 Omnia prædari, & nullo discrimine in vnum  
 Ad miseram congesta simul trahere, omnia mortem  
 Stabant, heu pietas! funesta incendia circum  
 Et Venus, & incestæ Charites, si pignora possent  
 Tot cara extremis precibus subducere letho.  
 At durus senior lamentis obstruit aures,  
 Et vota, & gemitus non exorabilis audit.  
 Singula quid referam? Nec tantam iusserat ipse

Diuus

Diuis amor stragem, nec talem optauerat unquam.  
Et iam cuncta rogos solatia prima iuuentutis

Hauiserat vltici flammâ; iamque omnia circum  
Complerant nebulae & fumus. Quanquam ille Sabæi  
Nidor erat thuris, veluti sancto igne sacerdos  
Omne vaporasset sacra ante altaria rectum.

Ecce autem in mediâ residens caligine mater,  
Cui nixis piumis ceruici infederat ales,  
Ex improviso ante oculos nitidissima fulsit.

Olli sacra humeros cyclas, tenuissima frontem  
Cerbasa velabant; signataque pectora Sole,  
Inscriptumque DEUM folio candente gerebat.

Tum sic affari & curas his demere dictis.  
Quid genis, & meritam nil tale auersa tueris?

Terge istos, Clio, terge, ô pulcherrima, fletus.  
Has citharas sibi vult munus: Sed rite, profanum  
Quidquid erat quondam, superis fuit ante litandum.

Nunc age, dic vati pareat aurea carmina, quando  
Ipse DEUS magni se carminis argumentum,  
Pro Iullâ, & nugis ereptæ Phyllidis, offert.

Dic animos tollat. Fas illi scandere diuûm  
Æthereas sedes, propiusque arcana tueri,  
Et diuinarum nebulas peruadere rerum.

Ipsa adero, isque aderit genius, qui proximus astant  
Ardua Aquinatis diuina Oracula libro

Indice designat. Rerum ille abscondita quæque  
Scriptoris magni interpres, mentemque docebit.  
Sic ait, inque aurâs tenues, nebulamque recessit  
Sed librum, atque auro fulgentia plectra reliquit.

Hæc Lemene oculis fato olim proximus hausit.  
Et quamuis hæc ille neget, ne credite vati.  
Ille etiam raptum negat in penetralia diuûm  
Se toties, bis terque sibi per somnia mira  
Exhibitos superos, oblataque carmina menti.

Sed

sed celare nequis : eadem hæc te carmina producant .  
 An poteras diuina aded sine numine fari  
 Mortalis vates ? tune ista evoluere cantus ?  
 Tu formidatum sacris scriptoribus æquor  
 Exiguus aded spatij includere metro ?  
 Cede Deo, & superum, non hæc tua plectra, facere :



## I N L U C R E T I U M.

**I**mmortalem animum experior, licet abditus isto  
 Carcere detinear vinculis; & sentio quiddam,  
 Quod non ex vulgo est rerum mortalium, uti  
 sunt  
 Cætera, quæ afficiunt sensus extrinsecus istos.  
 Namq; aciem ingenij in me ipsum, ut volo, sponte  
 reflecto;  
 Quodque volo, me velle scio, atque hoc, quod scio,  
 rursum  
 Intueor mente, huncq; ipsum intuitum video; atque  
 hinc  
 Orbibus innumeris in me ipsum complicor. Ergo  
 Est quædam in nobis sublimi in parte reposita  
 Vis dignoscendi, quæ sese intelligit, & se  
 Percipit ac sentit, seque omnem cernit & ambit.  
 Quo fit ut alterius cuiusque omnino sit expertus,  
 Sed sibi tota insit, seque ipsam ideo experiatur,  
 In semet flexis obtutibus, atque retortis,  
 Ceu punctum, quod mole carens se terminat, vna  
 Et simplex, quæ particulis non differat vllis,  
 Cunctaque discernat, quia sunt alia. Hinc ego,  
 cum me  
 Experior, quæ sum rationis compos, ab illis  
 Discernor cunctis, quæ sunt mea, cœli manus, & pes,  
 Et cruor, & venæ, & fibræ. Nam, si roger an mens,  
 Quæ video, sit quicquam ex his, per singula eundo,  
 Abnuerim semper; nec erit res sensibilis vlla,  
 Quam cernens animus non abs se aliam externamq;  
 Illico rejiciat. Non ergo materiali  
 Quicquam habet ingentum, quo fiat sectilis; ut qui  
 Totus

Tortus inest sibi, seque ideo sentitque videtque,  
 Atque sui bene concius à cunctis refugit, quæ  
 Compositi redolent aliquid, mistoque laborant.  
 Quod non in brutis animantibus evenit vllis,  
 Quæ si pernoscant se intrinsecus, experiendo  
 Intuitu verso quid possint, quidue laborent;  
 Nec bos fune trahi, nec cornibus illaqueari,  
 Nec pateretur equus sessorem, injectaque strama.  
 Sed quia difficile est animis hoc carcere clausis,  
 Fumum inter, nebulasque, quibus domus ista nigrescit,  
 Perspicere hæc clare; ideo trita illa sciendi  
 Arridet via nonnullis, quâ fingitur omne  
 Naturæ effectricis opus non esse aliud, quam  
 Illud idem quod textor agit, typothetaque iungens  
 Componensque characteres; quodque ille, lapillis  
 Qui Iphrynga incrullat varijs, asarotaque pangit.  
 Et quoniam exempla hæc sunt conspicua & bene  
 nota,

Quæ tonsor quoque percipere, & quæ foemina possit;  
 His ita perceptis, reclusisse omnia credunt  
 Arcana, hoc vno nimirum quod simili arte  
 Ingenioque opifex supremus cuncta laboret.  
 At non artifices cernis quam sedulo curent  
 Artem celare? ut se oculis subducere vulgi  
 Pictores studeant post lignea septa latentes?  
 Dein credam in parulo atque in luce opera ista,  
 supernæ

Mentis agi, ut possit quivis mysteria nosse?  
 Quam longè præstat nescire abscondita rerum  
 Naturæque magisterium, quod prouida celat,  
 Quam sic desipere & falli? Sed cœpta sequamur.  
 Hoc igitur, quod materiæ iam vidimus expers;  
 Quod sit, quodque extet, non isto à corpore iunxit.  
 Namque sui est animus iuris, seque vndique versat,

Vt

Velibuit, quodq; hoc libeat facit arbiter ipse.  
 Quin ipsa met corpus agit, refugumq; coerct  
 Atque infræne regit, durisque laboribus angit:  
 Quin etiam ferro nonnulli in viscera adacto  
 Confodiunt se sponte; adeò dominatur in ista  
 Membra animus princeps, nec agit, nisi ut arbiter,  
 auctor,

Et dominus. Non illum igitur mors lædere possit,  
 Nam, cedo, quid possit? Non partes solvere, cum sit  
 Simplex atq; incorporeus: non, corpore dempto,  
 Adibus eicctum dispergere, ne ampliùs vsquam  
 In rerum numero existat; cum corpore ab isto  
 Non habeat quòd sit; quin iura, ut vidimus, ipsi  
 Det princeps, liberque suo regat omnia nutu.  
 Nil igitur Libitina potest, nil iuris in ipsum est,  
 Præterquam vinctum laqueis quod solvere possit.  
 Atqui immortalem negat esse Lucretius. Atqui  
 Vel fingit, vel mentitur, vel iungit vtrumque  
 Impius. Ecquid enim, si talia credidit vnquam,  
 Spe ductus famæ, atque æterni nominis actus  
 Illecebrâ, Graij iampridem explosa reuexit  
 Somnia Democriti? Quorsum istæ gloria parva  
 Carminibus (nec enim mihi quis persuaserit vnquâ  
 Aterum haud spectasse decus; nomenq; futurum  
 Immortale sibi) quorsum, inquam, hæc gloria parva  
 Carminibus, si post cineres haud tangeret vlla  
 Laus animam, cuius superessent semina tantùm  
 Seminibus reliquis permista, & sparsa per auras  
 Omnino cæca, & nunquam coitura deinceps?  
 Nemo hominum, reor, hoc sentit; quanquam  
 asserat ore

Interdum nonnullus, ne ingenij videatur  
 Ex vulgo reliquorum, sed rari ac peregrini.  
 Talia nec quisquam velit vnquâ credere: Namq; hic  
 Infelix

Infelix foret, atque arumnosissimus inter  
Mortales, fircis addiçto tristior; ut qui  
Tetram expectaret mortem, quâ totus obiret;  
Quod saltem ignorant pecudes rationis egentes,  
Quas penitus mors absumat nil tale timentes.  
Vni hominum generi tantum expedit istud; eorum  
Nimirum, qui iam dudum affluere tremendis  
Flagitijs, quos dira animi præslagia quædam  
Terrificant, iustasque euadere numinis iras  
Vltoris vellent, quem non exillere mallerent;  
Illius aut saltem cuperent eludere fulmen,  
In nihili latebras, & inania cæca recepti.



# DE PALLADE ET BOMBYCIBUS FABULA

CHRISTOPHORI CEVÆ  
Æ SOC. IESV.

**C**oncipiat ne quisquam animo temeraria  
veta  
Ingenio maiora suo, si grandilux ausis  
Magnorum Dux fida operum natura  
repugnet,

Nullo abolenda die bombyx documenta reliquit.

Silvarum in latebris opulenti flauinis olim  
Artifices tinea vitam sine honore trahebant;  
Certantisque auro flauis miracula filii  
Linquebant vulgò aërijs pendentia ramis  
Discerpenda Notis. Aquilo rapiebat auarus  
Arboreis innexa comis patrimonium silua  
Dixit, & raptum pretiosi velleris aurum  
Præbebat subigenda tuâ mollissima pensa,  
Orithyia, manu, tela ut subtegmen acutis  
Insereres radijs, Phrygiamq; operata Minervam  
Dedaleo variaret acus discrimine textum.  
Prima sed ignotas retegens mortalibus artes  
E siluis Pallas flauentia flamina in urbes  
Transtulit, & nostros docuit contexere in usus.  
Cum turgens animis sese extulit, ausa Minervam  
Spernere, Naonia ventosa superbia Arachnes.  
Ianicæ inuentrix operis tum flaua virago  
Ignotas deprompsit opes, fila aurea serum;  
Ut pretiosa sua laudes ostenderet artis

Mut-



*Materies. Dignas postquam infelicibus ausis  
 Infixit pœnas victrix certamine Pallas,  
 Et veteris frustra non immemor artis Arachne  
 pœcepit tennes ordiri pendula telas:  
 Reptantum soboli, quæ mollia dinitis alui  
 Munera præbuerat, meritas Dea solvere grates,  
 Acceptisque parat maiora rependere donis.  
 Ergo affata duces plebemq; , ingentibus omnes  
 Promissis omerat, stimulans inhiare superbis  
 Muneribus, magnaq; acuit mercedis amorem.  
 Lanuema proiceres turba, atq; ignobile vulgus  
 Arrexere animos, & plurima mente volutant  
 Consilia, ancipites ( quoniam est ciuata facultas  
 Quidlibet audendi precibus) quæ munera poscant.  
 Hinc atq; hinc vario discors sententia motu.  
 Alternat, tenuiq; inter se murmure mustant.  
 Crandani hombyem inuunt suffragia patres,  
 Conciliumq; vocant Sibonytraphus, Ergachlanesq;  
 Pethoades, ninenumq; uomens Byssostomus ora  
 Stamen, Enengopocus nendi celeberrimus arte,  
 Serotimus, textorque operis filauentis Hyphantæ,  
 Atq; alij cœuunt, quos longo obscurior æuo  
 Fama tegit, generosâ omnes à stirpe creati  
 Seriadum procures, & lumina prima Senatûs,  
 Versantq; diu ambiguas discordia mentes.  
 Pessima tandem animis sententia mordicus hæret:  
 Idem omnes simul urget amor se tollere in auras,  
 Aligerûmq; augere greges. Tunc talibus orsus  
 Nemaplecax, omni ex numero maturior æuo.  
 Si nostra te tangit amor, si gloria gentis,  
 Exorare tuos, inquit, sine, diua, clementes  
 Concordi quod mente rogant communia vota.  
 Linsida nos natura solo reptare coëgit  
 Indecores, nestrag; inuidit honoribus artis.*

Heu pudet immundo versare in pulvere corpus,  
 Inque luto cunctis vestigia sordida membris  
 Imprimere. Erecto saltem in sublimia vultu  
 Non adeundum alis calum spectare liceret.  
 Quos superas carpunt auras animantia pennis,  
 Quæ nullis agitant insignia laudibus annis?  
 Et nos, secundo trahimur qui viscere fila  
 Digna locis, tennesque lani contexere amictus,  
 Serpere humi natura iubet? Quæ dote volarum  
 Crabronum mervere greges, & inutile fuci  
 Vulgus, inexploramq; sicim qui sanguine pascunt  
 Affixi culices longâ oris cuspidè venis?  
 Quid muscarum agmen referam, passim omnia fœda  
 Quæ violant morsu, quocunque procacibus alis  
 Ingluvies immunda volat? Quas turba volantum  
 Exercent nostris æquandas artibus artes?  
 Illecebris aures mulcet phylomela canoris;  
 Egregium nos laudat opus, non gratia lingua.  
 Delibans hortis fragrantès veris honores  
 Mellæ laborat apis; sed nectâr sordèat Fybla,  
 Nobile si filum spectes pretiosius auro.  
 Sed quid plura? meis iniuria nota querelis  
 Non eget ut pateat; dilucida sese aperit res.  
 Ergo, si precibus, lacrymis si flecteris ullis,  
 Hoc Dea nos probro, serosque exsolue nepotes,  
 Atq; tuo liceat pigrum nos munere corpus  
 Exigere, & plumis tranare recentibus auras.  
 Hæc ait, assensuque omnis fremituque secundo  
 Dat verbis pondus circumglomerata iuventus.  
 At Dea non facilem votis audacibus aurem  
 Præbuit, aversata preces sua damna rogantium;  
 Et vana hortatur correptos laudis amore  
 Vertere consilium, & stolidam deponere mentem.  
 Verana, inquit, donis falsâ sub imagine, parvam  
 Reser-

Jescitis, & vatitum frustra affectatis Olympum.  
 provida vos finxit communis cura parentis  
 Alarum expertes. Furor est obistere satis,  
 Atque novas rerum artificum præscribere leges.  
 Si volucres tergo pennas natura negavit;  
 Ingeniumque aliasque dedit non invida dores,  
 Exiguoque animos ingentes corpore clausit.  
 An leo silvarum princeps, & prima ferarum  
 Gloria, quod careat plumis, incusat anaram  
 Natura invidiam, & tacitâ secum astuat irâ?  
 An genus humanum pennata gloria gentis  
 Vrit, & implumes queritur torpere lacerios?  
 Splendidus illecebris vos ludit inanibus error.  
 Optata incassum pluma ambitiosa voluptas  
 Quàm levis est; & quam granibus redimenda  
 periculis!

Quot parat insidias nubibus, quot repperit artes  
 Hostile ingenium miserarum in damna volucrum?  
 Viscatas calamis fraudes circumlavit anceps,  
 Textilibusque dolis incantata decipit alas.  
 Ipsum etiam in volucrum clades calumeducat hostes  
 Aërios. Quoties ales dilecta Diana,  
 Populeâ dum fronde gemens ad lûmina solis  
 Explicat alarum pompam, ruit æthere ab alto  
 Miluius, & prædam tenet unguibus, & premit ore:  
 Inde per exta libido gula, perque ossa vagatur  
 Impatiens; miseranda volant vestigia cadis  
 Sanguine vorantes pluma, semesque pleno  
 Gutture frustra cadunt saturi fastidia rostri.  
 Querite nunc alas, si sponte volansia fata  
 Accelerare iuvat, speciosa optate pericla.  
 Ah! vestra nisi nulla monet vos cura salutis,  
 Hanc precor, hanc mentem exuite, & convertite  
 inanes

*Ad meliora preces, stolidūque retexite votum.  
Dixerat. Ast animis inoleverat alioq̃ error  
Improbis, & surdas mentis duraverat aures.  
Ergo eadem cunctis mens perflat, & actius instant,  
Proposuitumque premunt. Doni exitialis amorem  
Incepit Pallas, frustraue salubria rursum  
Consilia oberudis. Tandem indignata protervis  
Reptilibus dat terga, & iussū excaudit irā.*

*At flani artifices vili, postquam irrita vota  
Successu caruisse vident, effundere viles  
Decrevere animas, miseramque abrumperē vitam.  
Infaustum aggrediuntur opus, quod prodiga lucis  
Ira, pudorque iubent, mortisque insana libido.  
Quisque suam nitidi fabricat sibi velleris urnam,  
Seque aurā fraudans vitali, ac munere solis  
Mollibus expectat fata accersita sepulchris.  
Iam vigor inclusos tumulo discecerat artus,  
Iam stygia exigui tranabant flumina manes.  
Mox Acherontas velli trans gurgitis undas  
Elysium subire nemus, sylvaque copantis  
Harentes folijs alio pregnante remittunt  
Stamen, & exalta peragunt imitamina vita.  
Ipsa tenebroso coniux Iovis arbitra Ditis  
Aurati miratur opes Proserpina vallis:  
Eumenides stupere, comas stridentibus hydriis  
Implexa, obstupuit nigri regnator Avernī.*

*Palladis interea sopita resederat ira,  
Seriadumque nemus repetit, cui crine soluto  
Occurrunt Dryades, referuntque indigna relata  
Funera. Non sicca tristes Dea lumine cajus  
Excipit, & lacrymis curas dissatur elotis.  
Flet tamen uberius, laceratque à pectore vestes,  
Cum funestam oculis scenam propioribus haurit,  
Sussensasque videt lugubribus undique ramis,  
Texti*

Textilibus cineas vitam exhalasse sepulcris.  
 At non vana gemens sterili terit ora flatu.  
 Traiciens Lethæum amnem, atque impernia Ditis  
 Ostia, iactura impatiens, decrevit averno  
 Lanificas reducere animas, & dona daturam,  
 Quæ cupiunt, horrenda Stygis per flumina iurat.  
 Muneris oblatis illecebrâ repeantibus umbris  
 Vita iniectus amor. Rement ad luminis oras;  
 Mox iterum in tumulos, in membra carentia luce  
 Se parua insinuant anima: Redit ignea virtus  
 Corporibus; redeunt antiqua in corpora vires.  
 Dehinc extensa subit volucris tenuissima targo  
 Membrana, & voco frustra potiuntur iniquo.  
 Ergo auidi donis per inane recentibus uti,  
 Exiguo terebrant rostro densissima follis  
 Lyciæ, & obstruunt magnâ recludere iter vâ  
 Nituntur. Cælo tandem se credit aperto,  
 Nuper honor Dryadum, bombyx, & cura Minervæ,  
 Infima nunc volucres inter plebecula, & alas  
 Nequicquam quatiens tennes vix concipit auras.  
 Torpet enim curgens sine robore corpus, obesum  
 Vix tollens ab humo magnis conatibus aluum.  
 Hærent attonitis similes, nec dulcia carpunt  
 Pabula, nec liquidi delibant munera fontis:  
 Non vetera exercent opera, egregiosque labores  
 Antiqua immemores artis, curasque priores  
 Obliti, ignaunumque trahunt per dedecus ævum.  
 Hec, nihil inuitâ fas quæquam audere Minervâ!  
 Nec malefana unquam manet exitus ausa secundus.  
 Si vanis natura obstat contraria cæptis.

# DE APIBUS, ET ARANEA. EIVSDEM AVCTORIS.

**S** illa erat in mediâ diffusis undiq; ramis  
 Arbor opaca ingens, cui longum exederat  
 annum  
 Morsibus annorum latebrosi viscera trunci.  
 Hic epifex mellis pubes elegerat apum  
 Nectaris hospitium dulces meditata labores.  
 Iamq; suas omnes partita ex ordine curas  
 Disposuere fauos. Iam dadala mella laborant  
 Æmula calicuum ambrosia. Sub cortice quercus  
 Fernere sensit apes ingentis aranea ventris,  
 Arboreis qua forè comis occulta latebat.  
 Continuo gracili delapsa per aëra filo  
 Constitit ante fores, ubi sedula turba labori  
 Nectareo indulget. Linoris plena veneno  
 Spectat apum laudes, & cedere nescia cacos  
 Invidia stimulos tacito sub pectore versat.  
 Ergo sui memor ingenij, mentamq; superbam,  
 Et veteres servans mutato corpore sensus  
 Pronocat ad certamen apes, & talibus orsa  
 Aligeram increpitat turbam, & seris amula lites.  
 Diversa certemus, ait, de laudibus artis.  
 Ipsa meam tenui finzam de vellere telam,  
 Cecropio vos melle fauos distendite, & utrum  
 Nobilius sit opus tandem spectare licebit.  
 Obstupuere hostis mirata ignobilis ausa  
 Nectaris artifices, humilemq; capeffere pugnam  
 Cum vili tetrice pudet; namq; amula turpis  
 Indecorem fœdat palmam, laudesq; triumphi.  
 Non certare tamen puduit magis, amula victas  
 Ne iactaret apes ultro cessisse, suiq;

*Contemptu ex ipso vanum affectaret honorem.*

*Iamq; illa ex aluo tumidâ sua fila remittens  
Aggreditur telam veteris non immemor artis.  
Hinc atq; hinc longo deducit stamina tractu  
Fulcimenta operis, qua nexa tenaciter aluis  
Circum hærent ramis. Stat pensile fundamentum  
Aëre libratum medio, cui textilis ades  
Nititur. Hinc mirâ se circinat arte per auras,  
Et circumducti sinuosa volumina fili  
In gyrum certâ torquet distantia lege.*

*Vt parvus si foris lapis percussisset undam,  
Ducere inæquales aqualiter aspicias orbes,  
Et medio liquidos à puncto crescere gyros;  
Sic fila in spiram cœunt, semperq; minores  
Ordine dispositi succedunt orbibus orbes.*

*Hos operosa lares multos sibi fingit in usus  
Non minùs insidias, quàm texere sedula lanam.  
Hinc etenim incautas venatur aranea muscas,  
Qua curis vacua dum ludunt aëre aperto,  
Cursibus & varijs, varijsq; recursibus errant,  
Hostiles subeunt fraudes nil tale timentes,  
Captinas avido volucres sum guttore latro  
Ceu labyrinthicis erroribus irretitas*

*Aggreditur, prohibetq; fugam, & nova vincula capsis  
Agglomerat, gravidâ educens nova vincula ab aluo.  
Vana reluctantes illa arctis solvere sese  
Conantur nodis, & nisibus impatientes  
Innumeris quatunt alas, atque in latus omne  
Crura pedesq; agitant nequicquam, artusq; pusillos,  
Si quâ aditus pateat, liceatq; enadere turpis  
Ingluviem monstri, mortem patulo ore minantis.  
Illa ferox lateri ac dorso trepidantis inhaerens  
Prædam infelicem sauis complexibus urget.*

*Tale peregit opus textrix inuisa Minerva,*

*Ingenium infelix acuate libidine laudis.  
 Non satis hanc domuit iustissima Palladis ira.  
 Hæret adhuc tumida malesana superbia mentis;  
 Vsq; adeo nullâ est vitium sanabile pœnâ.*

*Interea florum è lacrymis, & olentibus herbis  
 Elicit ambrosia succos Hyblæ inuentus.  
 Ardentes instant operi, curaq; sagaci  
 Perficiunt mellis cœlestia munera, regum  
 Digna fisci, & cyathis non indignanda decorum.  
 Omnibus idem ardor; diuersaque munia quamuis  
 Diuersa curent, pars omnibus aqua laborum est.  
 Diuida Cecropiam spectabat Aranea turbam,  
 Aspersoque ardebat opus violare veneno.  
 At fidas timet excubias in vubnera promptas,  
 Quæ tela exacuunt, atque horrida bella mi-  
 nantur.*

*Miratur tacita ingenium, miratur & artem  
 Agminis aligeri; lanaque ignobile textum,  
 Nectareum dum cernit opus, vilescere cernit.  
 Dissimulat tamen infelix, & grandia verba  
 Latat, & iniustas sibi vindicat improba laudes.*

*Hoc vestrum, inquit, opus, pradatrix turba?  
 per agros,  
 Per nemora, & montes passim exercere rapinas.  
 Vestra hæc sunt studia atque artes: discurrere  
 pratis,*

*Omnia diripere, & populari veris honores?  
 Nil mirum vobis tam dulcia mella videri:  
 Nil equidem, nil dulce magis quàm vinere rapto.  
 Reddantur flores Hyblæ, reddantur Hymetto:  
 Vernantes repetant agri, & florentia rura,  
 Quas rapuistis, opes, alucaria nuda relinquent.  
 Vestra, licet nectâr superent dulcedine, mella  
 Sunt latrocinij pretium, atq; aliena supellex.*

*Demite*



*Demite furta , nihil superest . Iactare rapinas  
Iam pudeas . Vestram , si qua est , ostendite laudem ;  
Nam mellis direpti , hinc atq; hinc flore coacti ,  
Debetur pratis , non vobis , gloria . Vestrum est  
Dedecus , o latronum acies assucta rapinis .  
Ast ego dinitias sæcundo viscere clausas  
Mecum habeo , mecum ipsa gero , nil quaritur  
extra ;*

*Materiemq; operis dives mihi sufficit alius .  
Si nostros aut grando lares , aut invidus imber  
Diruat , & Zephyri , coniurataq; procella  
Stamina disijciant tennes dispersa per auras ,  
Nullus erit reparare labor ; nam turgida lana  
Viscera inexhausto præbent mihi vellera censu .  
At vobis male parva rapit si mella colonus ,  
Non lenis est iactura ; labor perit irritus anni ,  
Atq; inopi desunt congesta alimenta sonæta .  
Talia iactantem armatum circumspicit agmen ,  
Spiculaq; exacuit pubes generosa ; sed iram  
Continuit pudor , & vitæ spoliare superbam  
Respuit , indignans humili sua tela cruore  
Polluere , & turpi ceras sadare venenæ .*

*Ast apis ante alias , cui mellea copia fandi ,  
Talia voce refert , & crimina vana refellit .*

*Insectum luoro animal , gravidumq; veneno  
Talia verba decene . Genus ipsum , ac forma lo-  
quendi*

*Detegit ingenium . Dignas his reddere voces  
Nos natura vetat : nam neclare plena , veneno  
Verba carent nostra . At penitus non finxis inermes  
Prouida rerum epifex . Non desunt spicula ,  
quamuis*

*Omne absit virus . Nullius nostra veneni  
Ira lucem irritata vomit , sed vulnerat hostes .*

Ergo rapax nos turba , & rapto vivere nostra  
 Sunt studia , atq; artes ? Tu nos , tu criminis huius  
 Insimulare audes , prædonum maxime prado ?  
 Quo monstrum nunquam natura rapacius ullum  
 Edidit , assidua cui sunt alimenta rapina ,  
 Cui tumet informis muscarum stragibus alvus .  
 Oscula nos violis & purpureis hyacinthis ,  
 Oscula libamus Narcissis , oscula calicibus .  
 Sugimus hinc rorem , & pretiosi dona liquoris .  
 Ad prædas dulces , & amica ad furtiva videntur  
 Sponte suâ patulo nos o'æ accersere flores .  
 Materiam dant præda Thymum , castasq; recentes ,  
 Puniceamq; rosam , & certantia lacte ligustra .  
 Ast illam nostra solertia perficit artis .  
 Materies aliena in nostros vertitur usus .  
 Nostrium opus est , nobis generandi debita mellis  
 Gloria ; nos etenim , temerè quos undiquè sparsit  
 Alma parens rerum , succos miscemus in unum ,  
 Temperiemq; damus . Siquid corradimus horto ,  
 Nil patitur damni . Sunt hæc innexia furtiva .  
 Colligimus rorem , quem solis adureret æstus :  
 Libamus florem , ac libato gratia fiori  
 Prima manet , manet idem odor , atq; intacta ve-  
 nustus .  
 Nestlareus solùm flori non utilis humor  
 Exprimitur , pereunte brevè qui flore periret .  
 Tu tamen insano iactas , temeraria , saltim  
 Quòd tibi texendi fecundâ innascitur aluo  
 Materies . Spectiosa tibi laus ista videtur .  
 Mordicus hanc teneas . Tanti est contexere lanam  
 Ludibrium Zephyri muscarum in damna volantum ,  
 Ut tua sustineas pro filis viscera ab aluo  
 Extrahere , & fibris exculsis ducere telam .  
 O decus , è tanta merces uberrima cura !

*At nos innocuo si sugimus ore liquores,  
Quos flores præbent, & olentia gramina pratis;  
Fingimus hinc nunci dulcissima pabula mellis,  
Queis, laudes alia ut desint, laus sufficit una,  
Quod pro lacte olim Dictæa rupis in antro  
Prima recens orti fuerint alimenta Tonantis &c.*



# AVCTARIUM:

**S**ylulis nostris iterum in lucem prodeuntibus nonnullas addere libuit arbusculas, seu potius truncos; nimirum fragmenta quædam ex varijs prolusiunculis decerp-  
ta, & quidem pauca, ne densitate mo-  
ram lectori inijcerent. Carmina verò  
sanctioris argumenti differre placuit,  
ne profanis admiscerentur. Atq; ha-  
rum quoq; recentium arborum corti-  
cibus, Excellentissimi Mæcenatis mei  
nomen incisum volo, vt, quam folijs  
præstare nequeunt vmbra, eandem  
à patrocinio humanissimi doctissimiq;  
Principis accipiant.

## FRAGMENTVM SATYRÆ

Ex Prolusione habitâ ad Rhetores

Initio anni literarij

DE COGITATIONIBVS INANIBVS.

**Q**VOD ineunte Martio limaces solent ,  
 quæ suis è cochleis per hyemem obsi-  
 gnatis in tepidum solem prodeunt ,  
 exertisque corniculis sublucti viscosaq;  
 semitâ proximis parietibus , aut arborum truncis  
 adrepunt : idem & mihi per hæc tempora lo-  
 lenne est , Auditores. Nam toto ferine anno  
 abditus , atque in me ipsum intrusus ac con-  
 volutus ; aperientibus se primum , ac ressure-  
 rentibus literis , nonnihil ex hoc loco , velut exacta  
 hyeme , in lucem profilio ; quosdam etiam inno-  
 xios aculeos profero , quibus subinde in durius-  
 culum aliquid impingentibus , recolligo me ite-  
 rum in mea involucra , & velut in nativum  
 ostreum recipior , ac delitescō. In hac somni-  
 orijq; causâ quid diu noctuq; moliar , quibus-  
 cum viam , quas inter tricas , & negotia , ne  
 ipse quidem scio , tot intimos recessus , & condi-  
 toria , tot intro abditas latentesq; spiras habito  
 pleas deliramentis & nugis. Sæpe mihi in men-  
 tem venit Vacerra ille apud Martialem , qui ca-  
 lendis Iulij conductâ domo , atq; è vetere ini-  
 grans , impositas plautro bipeds mensas , gerres ,  
 amphoras , alia , & cascum Tolosatē , ceterasq;

domesticas sarcinas sequebatur: & mecum ipse  
 recogito, si, ex Pythagoræ commentis, migran-  
 dum mihi foret ex hoc meo in alterius corporis  
 domicilium, quàm lepidum planè spectaculum  
 darem, si, luce palàm, ridetillam omnem inge-  
 nij mei supellectilem asportarem.

**S**ED quod ego ingenuè fateor, si quisq; fateri  
 Ingenuè pariter de se velit; aut ego, lychno  
 Illato, si possim animos cuiusq; latentes  
 Ingredi, inaccessosq; finus, latebrasq; subire;  
 Forsitan haud dispar nox pluribus incubat, & mens  
 Cuiq; suis nugis, sed clam tacitèq; laborat.  
 Forsitan ille, supercilij quem nube severi  
 Obductum, taciturnumq; aspicias, & reuereris,  
 Magnarumq; putas momenta expendere rerum;  
 Forsitan ille, inquam, de cœnâ cogitat, & rem  
 Hanc vnam tacitus versat; populiq; per urbem  
 Interea excipit obsequia. Hunc verò macilentum,  
 Palladiâ atratum tunicâ, quem reris in âlris  
 Nubibus à terris longinquum, hunc forsitan angit  
 Cura, quòd incanto exciderit carmen pede trunco;  
 Et reputat secum an Seruij sit opinio rita,  
 Quæ docet ad libitum variari nomina posse.  
 Pleraq; sunt nugis, & inanibus obſita curis,  
 Non ſecus ac muscis, quæ spissâ nube cientur  
 Musta super, vel humi circum marcentia poma.  
 Non ita papilio nunc his nunc insidet illis  
 Floribus, vt mens hæc illâc incerta vagatur,  
 Et rebus temere insiſtit delata quibuscunq;.

Est tibi lis implexa: diu tibi præstitit aures  
 Causidicus patiens. Tandem per pauca reponit  
 Ore graui: quæ tu, veluti responsa Sibillæ,  
 Excipis, & tacitus tecum meditaris. At ille,  
 Dum

Dum rem narrabas, digitisq; oculisq; furebas,  
 Ille, inquam, vultu quamvis nutuq; probaret  
 Omnia, tristitiamq; gravemq; ostenderet iram,  
 Longè aberat tamen; & stabulum, suaq; horrea,  
 & arger

Villicus, & bos, & vicinus qui negat hortum  
 Contiguum, atq; alia innumera in diversa trahe-  
 bant

Longè aliò intentum. Rara est concordia vultus  
 Atq; animi, paucisq; latens transluet ab ore  
 Ingenium. At vanas, ait alter, non ego nugas  
 Persequor, intentus lucro, nummisq; parandis.  
 Non ego Parnassum quendam, Aoniasq; sorores  
 Nescioquas, vatun gerras & somnia, curo.  
 Deliciæ nostræ foenilia, pascua, vites,  
 Torcular; in his solertia, in his labor, & studium,  
 & mens.

At tibi si possim quoq; pectoris ima latentis  
 Altius indagare; etiam tibi (veta satere)  
 Ridiculum est aliquid, quò demum hæc omnia  
 tendunt.

Et fortasse illud spectas, ut epistola, pago  
 Quæ tibi de patrio veniebat sordida, manso  
 Obsignata olim pane, interpunctaq; cultro;  
 Iam cerâ Hispanâ, & cuso munita sigillo,  
 Illustri insignis titulo, te rite colendum  
 Atq; observandum vulgo super efferat. Hoc te  
 Vlcus habet, demens, his nugis congeris aurum  
 Anxius, hinc duræ persers incommoda vitæ.

Cætera quid memorem deliria? Fingit in arcâ  
 Ille sibi nummos, quos non habet; hisq; emittit  
 hortos

Atq; armenta, parat convivîa, fabricat ædes.  
 Hic sese locat in folio, atq; ibi rex sedet, inde  
 Iura

Iura dat in populis. Ille inter millia pugnat  
 Densa virū , volitatq; furens per tela , per  
 hastas ,

Partiturq; homines medios à vertice ad imum.  
 Hic ad sexcentos sibi vitam protrahit annos ,  
 Et redit ad primam , post sæcula quæq; , iuventam.  
 His studijs miseri meditando impendimus horas.  
 Interea immortalem animum ad Cœlestia  
 natum ,

Corpore ecū stabulo exceptum immundoq; suili ,  
 Glandibus his , & quisquilijs , & fursure iniquo  
 Pascimus immemores. Quod si iustissima cura  
 Interdum subeat tumuli , mortisq; propinqua ,  
 Huic superingerimus confestim cæcuba vina  
 Atq; hilares cœnas. Nimirum arcebitur illis  
 Fata inimica procul: Nec enim Libirina velit se  
 Aut ludo ingerere , aut epulis genialibus , inter  
 Læcrinas conchas , atq; in gyrum acta Lyæi  
 Pocula. Proh quantum caliginis intulit ægris  
 Primum illud crimen mortalibus! Vt ratio exul  
 A vero , infelix , delira , incertaq; aberrat!  
 Vt rebus fluxis , & inani pascitur aurâ!  
 Vt supremam illam nobis abscondimus horam!  
 Vin' tibi , quæ raro expendis , fortasse nec vi-  
 quam

In mentem veniunt , ventura nouissima corant  
 Ad vitium descripta , suoq; in lumine promant  
 Sic reor: His animum semel adiecisse iuuabit.  
 Huc ades ergo , tui , rerumq; oblite tuarum ,  
 Infelix , cui visus hebes terrestribus istis  
 Finitur rebus. Post hæc mortalia tandem.....

Ast , ohe , fatis est , inquis. Iam legimus ista  
 Claustrorum portis affixa , appictaq; muris.  
 Ne quæso hæc squalens & rustica concio in aures  
 Detonet:



Detonet: aut sacco si perstat musa sub isto,  
 Teq; austera iuvat medio Carthusia Pindo;  
 Huc ades, Anacreon, lætis redimite corymbis,  
 Atq; aliquid nobis festiuo concine plectro.  
 Dic ut Amor quondam Cyprio de littore turbam  
 Vino hilarem, strepitu læto, mare duxit in altum  
 Auratâ cymbâ: mox tempestate coortâ  
 Improbus in nubes fugit, miserisq; reliquit  
 Horrisono expositos nimbo ludibria ventis;  
 Ipse autem ex alto questus ridebat amantum.  
 His utiq; atq; alijs dabimus genialibus aures.  
 At nara è tumulto monita exequialia, & istam  
 Luctuonam cytharam sacra in Cineralia differ &c.



## INANIS GLORIA.

## Lusus Poeticus.

**O** Nata Auroræ in gremio , ridentibus  
 astris ,  
 Ad Zephyros molles , pulcherrima ,  
 filia Solis ,

Gloriola ! O Pindi , & Cyrrha , diæq; Mineræ  
 Risus , ocelle , Charis blandissima ! Et o mala ,  
 pestis ,

Et scabies , partu cum Circe nata gemello ,  
 Stryx anus , & Syren nequissima ! Ficus in horto  
 est

Dilapsis folijs iam pridem emortua , trunco  
 Distorto . Hinc ramus protensis cornibus exit  
 Suffultus palo , mirè ad suspendia factus !

Nam teres est , extatq; solo , quantum satis ad  
 rem ,

Vt bile offusus nigrâ nihil aptius optet .

Huic ego tantisper suspendere te volo , donec  
 Lethiferam hanc effles auram , quâ tollere in ,  
 altum

Consuevisti animos mortalium , ut inde , remenso  
 Aëre , præcipites ex æthere devoluantur .

Nam me etiam sic lusisti , dum sæpe maligna  
 Comiter assidens scribenti carmina , iisdem  
 Pollicita es toties ventosæ murmura samæ ;

Quæ tamen exili sonitu crepuere , ut arundo  
 Quæ volat ignifero tractu , dum pulveris instat  
 Vis pyrij à tergo , tum perstrepat exiguo ictu ,  
 Dein cadit ad terram tacitis excepta tenebris .

Nam

Nam quid opus fuerat vigilare traducere noctes  
 Id propter, chartaq; oleiq; absumere, quantum  
 Nec scriba è trinio? Pudet enumerare labores  
 In ventum sparsos. At nunc dabis, improba,  
 poenas

Faucibus elisis laqueo; laqueo tamen ostro  
 Atq; auro filis radiantibus intertexto;  
 Ne impendare, velut de plebe lauernio quondam  
 Nocturnis latrocinij infestus: Eamus.

Sic ego. At illa gemens, fletuq; miserrima largo  
 Ire negans, atq; astra ciens: Non æquus es,  
 inquit,

Qui me supplicio damnas tam præpete, nondum  
 Audita causâ. Quid enim, mitissime vates,  
 Et Phœbo & sacris musis dilecte, quid, inquam,  
 Tam durum insedit facinus, quo tristius ullum  
 Nec Scytha, nec Scythicis natus de rupibus ausit?  
 Nil equidem (testor genitoris lumina Solis)  
 Nil, inquam (testor quoq; pleetra hæc aurea, &  
 istos

Obtestor digitos per fila canora volantes)  
 Nil potui aut merui infelix. Hic subdola laudes  
 Mellitas solitâ cominiscens arte querelis,  
 Et mendaciolis respergens omnia blandis,  
 Et miserabilibus lamentis omnia replens,  
 Improba delusit me iterum; simul & mihi  
 dextram,

Quâ capiti iniectâ deprensam crine tenebam,  
 Ipsa suis digitis paulatim exsoluere coepit,  
 Dulcibus interea alloquijs, precibusq; decoris,  
 Et lacrymis orans. Quid plura? Vbi vafra  
 teneri

Laxius, & nodos ubi sensit iam prope nullos;  
 Illico, ceu fulgur, rapidissima fugit in altæ

Tecta

Testa domûs , & læta dolis de culmine risit.  
Scilicet , o bone , iam laqueo potes utlibet isto  
Aut caprare græm , aut te ipsum suspendere  
ramo ,

Prorsus in hunc usum nato. Sic deinde locuta  
Auratas quatiens pennas sub nubila fugit:  
Nec meritas retulit pœnas , sed libera fertur  
Impunè volitans , & adhuc nequissima vivit.



## UMBRA ACHILLIS.

**A**D Stygium flumen, denso circumdata  
nimbo,  
Vt stetit e Xantho veniens umbra,  
inclita magni

Pelidæ, aversa è ripa clamore minaci  
Vectorem iussit confestim advertere proram,  
Conscenditq; ratem. Tum remis findere velle  
Obscuros fluctus, clauoq; assilire, multùm  
Reclamante sene; & partem modò in hanc, modò  
in illam

Inclinare alnum, atq; iter obliquare carinæ  
Impatiens. Tandem, traiecto flumine, in algâ  
Littoris oppositi stetit. At nec solvere naulum,  
Nec tolerare moras, nec, vti mos est, dare  
nomen

Poscenti voluit. Sed protinus arua beati  
Elysij ostendi, comitesq; ducesq; viarum  
Iussit adesse sibi. Confestim ante ora senatûs  
Ternarij ignotum prædonem rite ministri,  
Maximaq; Eumenidum perducere velle. Neganti,  
Atq; oculis toruis spernenti iura trifaucem  
Ante ora adduxere canem. At non ille ferocis  
Sustinuit vultum iuuenis, dictisq; minisq;  
Territus ad cymbana fugit, celeriq; natatu  
Traiecit fluuium, latrabatq; ore minaci  
Ex aliâ ripâ. Furiz accurrere sorores  
Anguibz implexæ crines, trepidèq; vocati  
Illico Centauri è stabulis. Tum percitus irâ  
Per densum umbrarum vulgus sibi sternere iter vi  
Æacides, ferroq; moras perumpere; claustra

Ærea,

Ærea, ferratasq; seras perfringere dextrâ.  
 Hinc strepitus, rixæq; , atq; omnis auernus in armis.  
 Continuo Ditis perlatus in ardua tella  
 Nuncius, & propius rumor, vocesq; , tumultusq;  
 Audiri magis ac magis; infernumq; coactum  
 Concilium; atq; illuc proceres manesq; vocati.  
 At, timidæ interea iussu Proserpinæ, eundi  
 Libertas data quò vellet. Tum, quotquot inertî  
 Permistos vulgo norat, sibi iunxit Achiuos,  
 Atq; alios, quos passim atrâ nox obtulit umbrâ,  
 Et quotquot vidit cupidas protendere dextras:  
 Felicesq; in agros, multâ stipante cateruâ  
 Heronn, Graijsq; suis comitantibus ibat.



## Ex prolusione de litterarum neglectu.

## FRAGMENTVM.

**H**UIC prolusioni occasionem dedit *Idyllium* quoddam *Emmanuelis Thesauri*, fortuito repertum de origine picturæ; quo recitato, inuehendi ansam arripui in nostros auctores, præsertim vates, quorum multa atq; egregia opera ab iisdem neglecta, & publica luci erepta interiire. Inter cetera verò peregrinationem meam quandam per uniuersa domûs latibula descripsi, quâ plurima litteraria monumenta ex armarijs, cellulis, atq; officinis, non sine lepidis inopinatisq; euentibus, in lucem eduxi. Nocte autem, qua litterariam hanc prædam est subsequuta, mihi apparuisse in somnis Deos penates faxi; meq; ab iisdem admonitum, ut, illucescente sole, carmina quædam *Leonardi Velli*, & *Galeatij Trecchi* è nostra Societate, reposita in subtegulaneo vestiariæ officinæ, inde asportarem. Hanc verò partem prolusionis, carminibus quippe expressam, lubet subycere.

**E**CCE autem in somnis Diuûm mihi turba  
 Penatûm  
 Astitit ante oculos, quæ horrea, tegulæ,  
 & imbrex,  
 Et subsolanæ speculæ, & laquearia curæ  
 Commissa. Hi prædam ingentem, & spolia ampla  
 sub ipso  
 Iam pridem tecto furtim docuere reposita;  
 Carmina nimirum captiua, inibiq; sepulta.

Surge

Surge age , rumpe moras , Instant ; nam luce  
propinqua

Nos Aurora fugat . Simul excessere fenestris ,  
Et fuscis petiere leues suggrundia pennis .

Ergo , vbi discussit diuina hæc somnia Titan ,  
Allaturus opem miseris , imperuia Phœbo ,  
Perplexum per iter , penetralia cæca subibam ,  
Multa mouens animo . Quanta formidine Hy-  
berni ,

Ærnaum quâ silua lacum densissima cingat ,  
Patricij lucum subeunt , puteumq; sub imos  
Vsq; dehiscentem manes ; quem dicitur olim ,  
Cælicolum nuru monitisq; ingressus Oëmus  
Horrentes tranasse lacus ; & templa , domosq; ,  
Ignotasq; vrbes adiisse , Acherusiaq; arua  
Ier nemora & tristes calles : Sic me subeuntem  
Limina cæca domûs gelidus circumfletit horror .  
( a ) Primo in vestibulo , tunicas & pallia rosa ,  
Quæ pluuiialis hyems , quæ mordax disuit æuui ,  
Tar iuuenum incumbens curâ studioq; diurno  
Iggi instaurat acu . Hinc aditus faucesq; maligne ,  
Inq; superna gradus . Ad læuam squalidæ Othoqis ,  
Galdini , & Maroli effigies , tabulis cariosis  
Glutine distentæ . Post lignea septa seuerus  
Aduigilat ( b ) senior custos , qui vertice prono  
Aut numerat fidis trita æta educta papyris ,  
Quæ rursus latebris reddit , nigrisq; cucullis ;  
Aut arces veteri designat & oppida panno ,  
Quæ mox in caligas , strophia , & femoralia  
migrant .

Hinc furtim tecta alta peto , zephyrisq; secundis  
Prouchor ad læuam vicina Ceraunia iuxta .

In

( a ) Vestiaria officina veteris descriptio .

( b ) Vestiarins .



In forulis digesta suis indusia lota  
 Prætereo, adversâq; sitas regione lacernas,  
 Et Syrtim in medio, qua fornice sesquipedali  
 Immitis Scyron vno secat omnia metro.  
 Inde freto angusto vectus feror illico apricam  
 Exiguo ascensu in speculam. Stant ordine longo  
 Funibus extensæ lodices, cingula, abollæ  
 Centum hyemes passæ, victuraq; Nestoris annos  
 Galbana, & emeriti thoraces, endromidesq;  
 Balthæi, balthæoli, centones, bardocuculli.  
 Hinc iter ad lævam cæci in penetralia (\*) tecti.  
 Hæc erat, hæc iussu diuinum monitisq; petenda,  
 Et penitus lustranda domus. Ter limina cæca  
 Horrendasque fores petij; ter limine in ipso  
 Extimui, gelidusq; metu vestigia pressi.  
 Tandem utrâq; manu, vi nitens, & pedis ictu  
 Ostia perrupi; quo dirum protinus antrum,  
 Et domus, & tristes penitus patuere cavernæ.

Musa, mihi informes latebras, & squalida regna,  
 Implexosq; aditus memora; quæq; inuia, Phœbe,  
 Iustra subire nequis, quæq; ipse horrentia vidi.  
 Ibam genua trahens protecto vertice, corbes,  
 Sandapilasq; inter, ramenta; puluerulentus,  
 Luminibus captus, carie & lanâ obrutus albâ,  
 Qualis qui medijs tecto labente ruinis  
 Emergit, nitensq; manu per rudera reptat.  
 Hæc illac sparsi tripodes, subsellia rosa,  
 Fragmina sellarum, elitellæ, armaria, cistæ,  
 Dirarumq; auium nidi. Spolia omnia credas  
 Huc, Anobarbo quondam victore, regesta.  
 Nec Tripolim prædæ tantum conuexerit vnquam  
 Draguttus pelagi terror, Calaberq; Procustes,  
 Thyrræniq; ferox maris arbiter Ariadæus:

L

Nec

(\*) Conditori & m sub tegulis.

Nec Lęstrigonijs totidem semesta cauernis,  
 Semiferiq; putem Caci latuisse sub antris.  
 Ipse humeris curuis, quā flebilis impulit aures  
 Vox audita, feror; te, Phœbe, & sancta Heliconis  
 Numina voce vocans, & vos de plebe deorum  
 Anculus, obscuriq; lares, & fusca Lauerna,  
 Queis sacri anfractus, caueæ, & ruta celsa do-  
 morum.  
 Ecce autem, in tenebris pauidus dum singula,  
 lustrō,  
 Ad lucem creperæ summotâ in parte lucernæ,  
 Quæ procul ardebat tenui intermortua lychno,  
 Effigies veneranda senis mihi visa per umbram  
 Incussu lento venientis. Candida toto  
 Vertice canities, risusq; decorq;, rubentisq;  
 Inclita maiestas oris. Manus altera acanthum,  
 Pallentesq; crocos gestat; manus altera plectrum.  
 Iunior huic iuxta procero corpore, vultu  
 Supremâ macie confecto. At tempora uterq;  
 Lauro umbrata gerit; iuveni sed fronde recenti  
 Laureæ densa nimis frontem impedit. Ille canorâ  
 Victtricem Hebræam cytharâ, Afsyriq; canebat  
 Exitium regis, populataq; castra tyranni.  
 Carmine quo captus sanctæ ferre oscula dextræ  
 Ter conatus ibi frustra, ter fugit imago.  
 Tum sic affari, & curas his demere dictis  
 Longæus Pater. O nostros miserate labores,  
 Et semel hos ausus tandem penetrare recessus.  
 Spectra haud vana putes: vates sumus. Ille ego  
 musis  
 Vellius ante alios dilectus, parq; futurus,  
 Si sinerent Partæ, Galeatus. Hisq; vagamur  
 Inclusi dudum latebris, quod digna locuri  
 Phœbo olim, lucis meritæ neglectinus auram,  
 Car-

Carmina sub nigris passi marcescere thecis,  
 Mandariq; rogis nostræ monumenta iuventæ.  
 Nec spes Elysijs quondam succedere campis,  
 Donec qui tenui lychnus prope fumigat igni  
 Tantum Palladij lentus comburat oliui,  
 Quantum olei frustra scribendo absumpsimus olim.  
 Quare age; per siquid vobis melioribus annis  
 Auximus antiqui decoris, per acerbaq; fata  
 Consumpti iuuenis primæuo in flore iuventæ;  
 Carminibus nostris, quando data copia lucis,  
 Dic properent alij sua iungere carmina vates.  
 Sic ait, & texto de vimine pronus vterque  
 Exanimis inter seruata poemata cedros  
 Eduxit lacrymans. Ipse inclyta munera supplex  
 Amplexus: Quæ dira, Pater, nox ausa malignis  
 Inficere hæc tenebris? aiebam. At plura volentem  
 Dicere deseruere ambo, ceu somnia vana,  
 Atq; iterum sese densis texere tenebris.

Ergo per ambages tortas, vestigia rursum  
 Cæca legens diues spolijs in tecta redibam.  
 Ecce autem, intentis oculis dum squalida versus  
 Limina respicio (dictu mirabile monstrum!)  
 Aeriâ e speculâ gemini puro æthere olores  
 Candentes visi foedis excedere testis,  
 Felices aniuz longa iam nocte solutz.  
 Ter circum niveis lustrarunt atria plumis;  
 Ingressiq; hortos alter gessimina rostro,  
 Antiqui memor ingenij, memor vsq; cubilis,  
 Frondem alter veteris lauri tulit ore virentem.  
 Parrhenij donec sacro de culmine templi  
 Ærisonam in turrin lapsi, plaudentibus alis  
 Nubila rara super petierunt sydera pennis &c.

# DE CORVO FABVLA.

**Q**uercubus ex altis octogenaria cornix  
Ante ortum solis somnum mihi rauca  
laceffit.  
Nupserit illa, puto, nuper; nam gra-  
culus illi

Respondet senior coniux, crocitantq; vicissim  
Discordes ambo. Quæ te vnquam, stridula pestis,  
Exagitat rabies? Nec miluius hanc sibi prædam  
Vnguibus inuadit? nec duro è tergo pennas  
Ille tibi vellit, qui cymbala temperat aureis  
Dissona clauiculis? Sic olim pereitus irâ,  
Aeriâ è speculâ dum lenia frigora capto,  
Execrabar auem. Verùm illa ferociùs altis,  
Me viso, è ramis crocit; coruiq; sequaces,  
Et picæ, & graci quotquot sub fronde latebant  
Ingeminant dirum carmen, nobisq; precantur,  
Venturisq; olim socijs dictu horrida quæque,  
Bella, famem, scabiem, lites, & inhospita tecta.  
Nec satis. Vrbe etiam totâ, stridoribus atris,  
Vt nigras tunicas videre, & pallia nota,  
Rauca sonant diræ volucres, probrisq; sequuntur.

Phœbe Pater, vosq; Aonio de vertice, Musæ,  
Dicite quæ causa irarum, quo numine læso  
In nos nigra phalanx exerceat horrida bellum.  
Sic vobis niuei prope stagna Heliconia cyeni  
Assuescant ripis, nec fœdæ immunda volucris  
Ausit Pierias vnquam volitare per auras.

Tempore quo rigidus Fabritius, ille Gelonis  
Sauromatisq; olim notus, Braydensibus olim  
lura

Iura dabat socijs; Coruum fama est, probitatis  
 Et fidei antiquæ, viridis crudæq; senectæ,  
 Hos inter vixisse lares, specimenq; dedisse  
 Indolis egregiæ. Teneris namq; hospes ab annis  
 Assuerat tectis, pulices excerpere doctus,  
 Siens vidisset, rostroq; inuadere naures,  
 Felibus exemplar veteranis, quos patinarum  
 Largus adeps reddit plerumq; ad munera inertes.

Contigit ut nigrum miser inter crustula vinum  
 Largius ille semel potaret, quo cerebellum  
 Nonnihil immaduit; subiitq; insana cupido  
 Credere Te coelo; quodue illum fata trahebant,  
 Velatarum adiit contermina claustra sororum.

Tempus erat, quo, post epulas, de more  
 puellæ

Æstiuo moriente die, sub viribus altis  
 Indulgent miseræ ludis, facilesq; cæchinno,  
 Garritusq; crient, quos sæpe subaspera mater,  
 Virginei coetus cui credita cura minoris,  
 Compescit dictis. Conos tum fortè salignos  
 Decutere alternis certabant iactibus, ut mos  
 Foemineo in vulgo: ludoq; astabar inani

Cippus ( erat Coruo id nomen ) Quis crederet  
 vnquam?

Cippus honor volucrum, seniorq; asceticus ille,  
 Legibus austeris seruare silentia doctus,  
 Demissisq; oculis, flexoq; incedere collo,  
 Nunc versari inter florenti ætate puellas  
 Deutens, virgineos nec formidare recessus.  
 Heu! nihil humanis fas quencquam fidere rebus.

Protinus ad volucrem peregrinam accurrere,  
 lætæ,

Atq; illam festo circum concludere gyro  
 Ambæ Cecilæ, soror Vrsula, Sor-Violanta,

Euphrosyne, Eugenia, & custos Febronia torni,  
 Et crispare sacros pariens Victoria amictus,  
 Quæq; æs campanum pulsat Petronia mater,  
 Virginæq; soror Constantia Petronilla.  
 Ac veluti minimum paxillo noctua ab alto  
 Garrula dum peragit, salientem & desilientem,  
 Stridentemq; alis insueto in lumine solis  
 Miratur simplex circumuaga turba volucrum:  
 Haud aliter Cippo certatim' murmure læto  
 Circumfusa omnis Vestalis turba fauebat.  
 Ille etiam (dictu miserum!) bellaria rostro  
 Excipere infelix, & respondere roganti  
 Singula longæ matri, quæ prandia patrum,  
 Quæ macris feriis, quæ pinguibus esca diebus,  
 Quot numero socij, quis alacrior, & sibi quidnam  
 Hæc atq; illa velint. Cuncta ille arcana aperire,  
 Atq; vnus garrere magis quàm foemina posset,  
 Mentem adeò potuit vis perturbare Lyxi.  
 Quid plura? Ut monuit nox sera in tecta reuertri,  
 (Quæ fuit exitij summa, & caput omne malorum)  
 Hinc præses Liduina chori, & soror inde Beatrix  
 Lemniscos varios adcircinat vtræq; collo,  
 Illa rubros, hæc luteolos, vitreumq; monile.  
 Nec secus ac senior capularis vertice glabro,  
 Nubere qui statuit, caelebs qui iunior annos  
 Degerat; ille sibi visus spectabilis ostro  
 Versicoloratas librauit in æthere pennas;  
 Inq; lares demum redijt, non amplius ille  
 Qui nuper testis exiuerat. Heu! malus augur,  
 Ignarus tibi quos referent ea vincula nexus.  
 Fortè peragrabat sutor nequissimus hortum,  
 Laneæ sub nocternæ comæcta volumina quædam,  
 Iam dudum opperiens. Testi cùm lumine in ipso  
 (sic erat in fati) morti iam debitus ales

Inci-

Incidit in dirum custodem , qui peregrinas  
In vestes torquens fera lumina , Quò fugis? inquit,  
Vnde? quid ista recens , nebulo , tibi purpura  
pennis

Nata? quid hæ nugæ? quò , furcifer? Ille fateri  
Omnia , vbi fuerit , quid viderit , vt redeunti  
Illa adnexuerint , & cetera . Nil retinere  
Graculus , vna velut lympham verso euomit ore .  
At durus futor , pietas cui pectore nulla ,  
Quo non è corio verus ocrea durior vlla ,  
Illico prætori austero rem detulit omnem .  
Mox Cippum fraude accitum , nil tale timentem ,  
Secretò in tenebris inclusum cratibus abdit .

Mane , vbi nigra dies pluuio sese extulit axe ,  
Diditur in socios series rei . Tollere vulnus ,  
Mirariq; omnes quæ tam vesana repente  
Mens iniecta foret , quâ spe , quo numine læuo  
In sacras ædes volitasset , quomodo , curque .  
Murmur erat , velut in sylvis cùm turbidus Austor  
Serpit arundineis : Istrepit ædes cuncta susurro  
Hinc atq; hinc vario . Miser in prætoria ductus ;  
Iudicis ante oculos , formidatumq; tribunal  
Vt stetit , hesternis de nugis rixæ rogatus ;  
Admissum crimen , violataq; claustra fateri ,  
Inq; meri hesterni potum delicta referre ,  
Testariq; Deos lacrymis , veniamq; precari .  
Quo gemitu orator motus , qui tum Ciceronis .  
De Oratore librum , & Fabij præcepta docebat ,  
Vellius ille bonus , quo non humanior alter  
Candidiorq; senex , casum miseratus iniquum ,  
Miribus , vt poterat , lenire ea crimina dictis .  
Dandum aliquid primo errori , tum simplicitati ,  
Tum vitæ anteaetæ studijs , vino , atq; senectæ .  
Noctes atq; dies clausus penetralibus atris  
Vitam

Vitam agit infelix; nec, si semel exspatiari  
 Extra ædes patrias libuit, fas perdere letho  
 Innocuam volucrem. Non crimen tale putarat,  
 Nec sanctos adeò, custoditosq; penates;  
 Abstuleratq; omnem Bacchi vis improba mentem.  
 At quodcumq; scelus fuerit vel morte piandum,  
 Per vetus hospitium, Patres, per quidquid ho-  
 nesti est,

Non pœnam refugit, sed plecti miriis orat.  
 Quare agite, heu misero permittite luminis  
 auram,

Quam poscit lacrymans, & vobis deuonet omnes.  
 Spondeo ego posthac vino illita vitatorum,  
 Neve egressurum tectis. Non hæc ita spondes  
 Tu quoque? Rauca gemens ales demittere sese,  
 Et maria & montes promittere singultando,  
 Et, nisi præliterit, sibi quæq; horrenda precari.  
 At lacrymis iudex & vocibus obstruit aures.  
 Stat punire nefas letho, & dare posteritati  
 Exemplum memorandum omni, quod secula  
 discant.

Et quanquam moueat pietas, animumq; laceffat,  
 Ire iuuat contra, supremaq; iura tueri.

Ergo, ubi rite Patres ad mensas accubuerunt,  
 Sistitur in medio reus ales, nigraq; mortis  
 (Attonitis circum, intentisq; tenentibus ora)  
 Charta palàm legitur.

Cippus de Grachis hesterno vespere musto  
 Ebrius, in coetus Vestaies quòd penetrarit,  
 Inde ausus collo muliebria dona referre,  
 Atq; arcana domûs vulgare, & lædere claustra,  
 Trunco infelici suspenditor, & laqueator  
 Sacrilegis vittis, quas improbus asportauit.

Dirigere metu cuncti; gemitumq; dedere,  
 Secum



Secum euoluentes quid vinum & foemina possint,  
 Quid multum eloquium nunquam sine crimine,  
 Ut erret

Deuius in præceps qui spernit parua, nec vlli  
 Circa, sui; nimis secura audacia proficit.

Est in parte horti nemus altis quercubus horrens,  
 Nocte vbi concubiâ diræ sub frondibus atris  
 Lamentantur aues. Nulli fas tangere patrum,  
 Vesper vbi incubuit, nigra penetralia siluæ.  
 Non grainen tellus, non lætas educat herbas,  
 Tantum humiles iuncos, veterisq; insignia myrti.  
 Ingens in medio nemoris patet area, multa  
 Sacra olim, statio nigris nunc stridula picis.  
 Huc vbi peruenit Cippus (miserabile visu)  
 Adiutorum inter sæua agmina succinctorum,  
 Ut stetit in medio, & nemus vndiq; circumspexit,  
 Nec saltem differre necem iuuat vsq; precari;  
 Infelix ales furijs immanibus actus  
 Horrendum cecinit carmen, quo lucus & omnis  
 Insonuit stridore domus: Dij talia reddant  
 Gentibus infandis, quas non tetigere querelæ,  
 Nec casus miseri. Hæc merces hæc nempe laborum,  
 Hæc lassæ ætatis requies? Inuat ire sub umbras,  
 Crudelesq; domos fugere, ingratosq; penates.  
 Spero equidem extremas voces, supremaq; vota  
 Audiat hæc aliquis superum, qui dira rependat  
 Funera: Tum siqua est nostri post fata superstes  
 Umbra memor (vos hæc animis mea figite dicta)  
 Dira hies volitans, vox horrida corporis expertæ  
 Vrbe sequar totâ raucis clangoribus, hostes  
 Inuisos medijs triuijs, mediâ vrbe laceßam.  
 Et vos, pennigeri socij, stirps incola cœli  
 Exercete odijs gentes: nigra agmina nigris  
 Imprecor agminibus, pugnent ipsiq; nepotes  
 Irarum

Irarum memores, nec pax nec fœdera sumo.  
 Sic ait, & vittas, non istos munera in usus  
 Tradita, lethales subiit, ramoq; pependit  
 Infaustum fumus. Flerunt è quercubus altis  
 Aëriæ in ramis volucres, ipsæq; dedere  
 Annosæ quercus gemitum, procul & cyparissî  
 Avertere caput; flerunt quoq; tristitia Cippi  
 Fata Deæ, & siuam fœrelem fugit Apollo.

Ex illo insensî nobis ex æthere corui  
 Passim insectantur probris, & sicubi quenquam  
 Prospexere, gravem quamvis senioq; verendum,  
 Coruinum ingeminant carmen. Non dira Celæno,  
 Ocypeteq; soror Strophadum sub rupibus altis  
 Tristius ingemuit; nec quos Cythereia versos  
 Threycias in aues comites Diomedis Achiuq;  
 Piscosis iubet in scopulis effundere questus.

Causa mali tantî sutor nequissimus ille  
 Cippi accusator. Meritas sed numine diuim  
 Ille etiam subiit pœnas. Nam saunere postquam  
 Lethali est functus (dictu mirabile monstrum)  
 Ossibus atq; curi nigra illi vestis adhæsit;  
 Hærentesq; manu conatus vellere amictus  
 Implevit curuos pennis nigrantibus vngues.  
 Os ab it in rostrum, & conanti reddere voces  
 Stridula vox crocit. Nunc rectis coruus oberrat  
 Vnguibus insistens duris, perq; atria longa  
 Saltibus incedit. Nil tutò cuiq; repostum.  
 E cellis olidos calceos, crepidasq; biennes,  
 Nocturnos & pileolos, atq; obuia quæq;  
 Vague rapit prædo, & latebris nidisq; reponit.

Vellens at bonus, & vindex clementior æquî,  
 Dilectus Phœbo vates liquidum æthera pennis  
 Albus olor perijt &c.

F I N I S.

